



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Class 499.211 No. B28

Presented by

M. H. BARTLETT COLLECTION
ON THE PHILIPPINES NO. 27L


H. H. Bartlett



DATING PILIPINAS

Simulat ni

SOFRONIO G. CALDERÓN



MAYNILA:

IMPRESA, LIBRERÍA AT PAPELERIA

ni J. Martinez

Daan Jolo bilg. 310 at C. de la Barca, bilg. 263.—Binundok.

1907.

Imprenta, Libreria at Papeleria

NI

J. MARTÍNEZ

*Daan Calderón de la Barca, bilang 263 at
sa Jolo, bilang 310.-Binundoc.*

Ipinagbibili sa LIBRERIANg ito ang mga
sumusunod na aklat sa uicang tagalog:

Buhay ni Rodrigo de Villas.

" " Aladino.
" " Billarba.
" " Baldobino.
" " Julieta at Romeo.
" " Florante at Lura.
" " Ibong Adarna.
" " Dr. José Burgos.
" " Alejandro D. Luis.
" " Bernaldo Carpio.
" " Sigismundo.
" " Santa Ana.
" " Almanzor.
" " Salomón.
" " Medalla de Oro (3)
" " Esopo.
" " Igmidio.
" " Pantinople.
" " Tifoso.
" " Jaime del Prado.
" " Leopoldo.
" " Tablante.
" " Juan Patáy.
" " Blanca Flor.
" " Jacobina.
" " Floro Clavela.
" " Reina Ester.
" " Bertong laseng.

Buhay ni Manrique.

" " Floriño.
" " Reyna Mora.
" " Pitong Infante.
" " Ludovico.
" " Cabayong Tabla.
" " Celira.
" " Juan Bachiller.
" " Beata Maria.
" " Beatriz.
" " Sta. Regina.
" " Sta. Isabel.
" " Tatlong Número.
" " D.^a Marcela.
" " D.^a M.^a sa Ahas.
" " Florentina.
" " Juan at Maria.
" " Dama Inés.
" " Isabela.
" " Oliveros.
" " Gimeno.
" " Felizardo.
" " Totoo at Sinn,ling
" " Cricelda.
" " Doce Pares.
" " Dr. José Rizal.

Sta. Religion 1.^o at 2.^o tomo

N.^a Sa. de la Paz sa Antipolo


Pagsusulatan ng dalauang Bb. na si Urbana at ni Feliza.



DATING PILIPINAS

SINULAT NI

SOFRONIO G. CALDERÓN



MAYNILA:

—
IMPRESA, LIBRERÍA AT PAPELERIA

ni J. Martinez

Daan Jolo bilg. 310.—Binundok.

1907.

Aring tunay n̄g sumulat ang aklat na ito.

Lahat n̄g aklat ay magtataglay nang S. *L. G. C.* G. C. na surat n̄g kamay n̄g sumulat.

Ipinagbibili ang aklat na ito sa lahat n̄g aklatan dito sa Maynilà, at sa bahay nang sumulat, daang Lamayan, Bilg. 56, Sta. Ana.-Maynilà.

**Kung pakyawan
ay mura.**



1963 340

Ang aklat na ito ay itina-
talaga ko sa aking anák na si
Sofronio G. Calderón.

PAUNAWÁ.

Ang aklat na ito ay pinagtiyagaan kong sinulat upáng maging tulong ko kahi't kaunti sa mġa di pa nakababatid nġ dating kasaysayan niring Lupang Tinubuan na nġayo'y halos nalilibing sa limot. Marahil ay di na isinasaloób nġ iba na lingunin pa ang nakaraan; nġuni't kung ating didilidilihin ay lubhang mahalaga, sapagka't ang nakaraan ang siya nating pinagbabakasan nġ nġayon sampu nġ hinaharap, siyang bumubuhay nġ mġa bagay na nangyayari, siyang kumakandili nġ ating alaala sa ating mġa kanunuan na ating pinagkautangġan nġ buhay at bala na, at sa madaling sabi ay siyang pinakasalamin nġ madlá sa pamumuhay, na dahil dito ay pinagsikapan nġ halos lahat nġ lupain ang pagsiyasat at pag-aaral nġ kanikanilang kasaysayan.

Sa kasaysayang ito ay di ko muna inilakip ang sa mġa taong gubat at ang sa kamorohan, sapagka't ang una ay di pa lubhang kilala ang wika sampú nang boong paraa't ayos nġ pamumuhay, saka kapua may kahabaang salaysayin lalong lalo na ang sa kamorohan na may kilala't sariling kasaysayang nainġatan; at dahil sa mġa dahilan ito ay minagaling kong unahin itong pinakamahalaga sa atin upáng huag lubhang humabà at tuloy makaya nġ lahat ang halaga, sapagka't kung papagsasabaysabayin ay mamabigatin nġ karamihan ang halaga sa kamahalan nġayon nġ pagpapalimbag.

Tuloy ipinaunawa ko na ang kasaysayang ito ay hinango ko sa mga aklat nina P. Chirino, P. Delgado, P. Colin, P. Placencia, Morga, Dr. P. de Tavera. Sa salaysay ni Pigafetta, sa mga paaninao ni Dr. Rizal at kaonti sa mga aklat nina Blair at Robertson at gayon din sa mga kasaysayan ni Dr. Barrows at Comisionado Dean C. Worcester. Marahil din naman ay may kaunting kulang pa ito, dahil sa di ko pagkasumpong ng lahat ng kasaysayang kailangan, nguni't inaasahan kong ito ang mga pinakamahalaga.

Ipinauunawa ko rin na ang aking pagkasulat nito ay utang na loob ko sa aking amaing si G. Felipe G. Calderón, kay Mr. J. H. Lamb, at kay Dr. James B. Rodgers na nangagkatiwala sa akin ng kanilang mga aklat na nabangit ko sa unahan nito na ngayoy mahirap mangasumpungan.

Sofronio G. Calderón.



Unang Pangkat.

Mga Unang Tao Rito.

Isa sa mga lahing hangang ngayo'y nanganahan dito sa mga kapuluang Pilipinas ay ang mga "Itim" ó "Ita", at sapagka't ayon sa kapaniwalaan ay siyang unang nangamayan dito ay di nga maliligtaan sa kasaysayan ng Pilipinas.

Ang dami, di umano, ng mga ito ay may tatlong yuta at pawang nanganahan sa mga gubat at bundukin ng Bataan at Sambales at sa Silanganang bundukin ng dakong hilaga ng Luzón na mula sa Cabo Engaño hangang Baler. May mangilangilan ding nanganahan sa mga bundukin ng mga lalawigang Rizal, Bulakan, Kapangpangan, Tarlak, Pangasinan, Ilokos Norte, Nueva Ecija at Abra. Gayon din sa mga pangpangin ng Rio Grande sa Kagayan at sa ilog Ablug sa lalawigan ng Kagayan at sa mga dating comandancia ng Infanta at Príncipe na ngayo'y sakop ng lalawigan ng Tayabas. Bukod dito'y mayroon din sa mga pulo ng Mindoro, Panay, Negros, Mindanaw at iba pa.

Palibhasa't, nagkapangkat-pankat ang lahing ito ay nagkaroon ng iba't ibang pangalan, na yaong mga nasa Sambales lalong lalo na yaong

mga haluang dugo ay pinangnanlang *Abunlon*; yaong nanğa sa Morriones sa Tarlak ay *Aburlin*; ang ibang nanğa sa Kagayan, Isabela, Kapangpangan, Bulakan at Bataan ay *Ita*; ang ibang nanğa sa Isabela ay *Agtas*; ang ibang nanğa sa Nueva Ecija, Kapangpangan, Sambales, Ilocos Sur, at Tarlac lalong lalo na yaong mga haluang dugo ay *Balugas*; ang ibang nanğa sa Sambales ay *Bukiles*; ang nanğa sa baybayin ng dagat Pacifico sa Hilaga ng Luzon ay *Dumagat*; at ang nanğa sa Bagaw sa Kagayan ay *Parames*.

Dahil sa pagkakapangkat-pangkat na ito at pagkakaroon ng iba't ibang pangalan ay pinagkaroonan ng iba't ibang isipan ng mga mananasaysay, na anang iba'y supling sa iba't ibang lahi ng mga *itim* at anang iba'y iisang lahi na napapangkat lamang ng angkan-angkan na sa akala ko'y itong hule ang mapaniniwalaan.

Ang mga taong ito ay nanganganahan pulupulutong na limalimangpu humigit kumulang at ang hitsura't anyo ay pandak na lilimang paa ang taas, maiitim бага man ang iba'i may kakuyumangihan, malalaki ang mata ng karamihan, kulot ang buhok at balbasin ang mga lalaki, sarat ang ilong, makakapal ang labi at mabibilog ang ulo. Hindi nangaggugupit ng buhok, malibang totoong mahaba na at kung gayon ay pinuputol ng itak o sundang kung sakaling walang gunting. Ang ibang itim sa Bataan ay nagsisipagko-

ronita sa ulo na parang pare upang makasingaw ang init, di umano, at yaong nanga sa Sambales ay nagsisipag-ahit kung minsan ng kalahati ng ulo, na mula sa tuktok hangang sa batok.

Ang damit ng mga lalaki ay bahag lamang sa mga balakang at ang sa mga babae ay tapi na mula sa baywang hangang sa tuhod. Ang dinadamit ay kayo kung mayroon, datapua't karaniwa'y balat ng kahoy.

Ang karaniwang kagayakan ay sarisari. Gumagamit ng kawayang suklay na may gayak na pakpak na sarisaring kulay. Nagsisigamit din ng hikaw, bitones, pirapirasong salamin at iba pa na gaya rin nito. Ang mga pinuno ay nagpapatulis ng ngipin sa harap, at halos lahat ay nangagsisipagkudlit sa katawan ng sarisaring hitsura na ang mga lalaki ay sa dibdib, sa likod at sa mga bisig at ang mga babae naman ay gayon, din bukod pa sa mga harapan ng hita at sa iba pang dako ng katawan.

Ang lahing ito ay may ugaling magpabagobago ng tahanan, at sa ganito'y hindi nangagbabahay at ang karaniwang pahingahan ay ang panaan ng mga punong kahoy na kanilang pinagtitindigan ng balangkas na miski paano saka binububungan ng kugon ó ng miski anong dahon.

Sa pagkabuhay ay nangabubuhay sa isda, lamang lupa, sa bigás (na nangaghahasik ng palay sa dakong katahanan), at lalong lalo na sa mga

hayop na kanilang nahuhuli ó napapana, at di umano'y mga totoong maibiguin sa lamán ng ungoy, saka nangagsisikain ng ahas, palaka bubulí at iba pang hayop na di natin kinakain.

Ang sakbat na kagamitan ay sibat na kawayan ó sanga kaya ng kahoy at pana't busog na may lason na kanilang ginagamit sa ano mang lakad nila.

Mga totoong magiliwin sa tugtugin at ang kanilang mga instrumento ay buho't kawayan. May sarisaring sayaw sila, na tinatawag nilang sayaw kamote, sayaw pagong, sayaw pang'ingibig sayaw pakikihamok at iba pa na may kahabaang saysayin dito kung papaano.

Sa pag-aasawa ay inuugali ang pagkakasunduan ng mga magulang saka ang bigay-kaya na gaya rin ng sa ibang lahing gubat. Tungkol sa pagdidiwan nito ay sarisari ayon sa iba't ibang angkan ng mga ito, nguni sa mga itim na nanga sa bundok ng Mariveles ay ganito di umano. Nagsisipagtago sa gubat ang babae at ang mga abay niya, saka hinahanap ng lalaki at ng mga abay naman nito hangan sa masumpungan. Pagkasumpong ay ipinagsasama ang babae sa dakong pagtatapusan ng pagdidiwan na tumutugtog ang lalaki ng gansa (na isang instrumento nila) sa harap ng babae at habang lumalakad ay sumasayaw: samantalang ang babae naman ay may takip na panyo sa ulo at mukha at lumalakad

na payuko. Pagtigil ng tugtog ng lalaki ay hinahandugan ng mga kaibigan ang babae ng kanikanyang kaya. Pagkatapos ay lumalapit ang babae sa isang wari entablado na handa na kapagkaraka na may dalawang dipa ang taas at nililigid ng kanyang mga kamag-anak, saka tinatakbo at inaagaw ng lalaki na hinahawakan sa bisig at isinasampa sa itaas noong wari entablado na doon sila nauupong dalawa na magkabrasete. Kung magkagayon ay sumasampa ang ilan sa kanilang mga kaibigan at kamag-anakan na nagsisipag-alay ng kanikanyang kaya, saka nangananaog na kasama ang bagong mag-asawa. At pagkapañaog ay sinasalubong ng isang matandang lalaki at isang matandang babae na nangagsisilagay marahil na pinaka-inaama at ini-ina at siyang nangagpapa-ala-ala ng kanilang payo sa bagong mag-asawang yaon.

Bagay sa kanilang kapanampalatayahan, di umano, ay wari ang pagsamba sa mga bagay ng katalagahan at sa mga kalulua, at ang mga matanda at ang mga namatay sa kanila ay lubhang ipinakagagalang.

Ang lahing ito ayon sa kapaniwalaan ay nanganahan ditong malaong panahon hangang sa dinatnan ng lahing *malayo*.

Tungkol sa pagkaparito ng mga ito kung paano at saan nangangaling ay di masabi at hangan ngayon ay di pinagkakaisahan ng mga

mananalaysay ang bagay na ito; sapagka't anáng iba ay galing sa Aprika na nakapagpalipat-lipat sa pulo't pulo hangang Nueva Guinea at mula sa Nueva Guinea hangang dito, at anáng mga bagong mananalaysay ay hindi, kun di ang mga ito'y kaibang lahi ng mga itim sa Aprika at talagang tagarito sa Kasilanganan.



Ikalawang Pangkat.

Lahing Pilipino

Maliban sa mga *itim* ay pawang lahing *malayo* na ang nangananahan dito na may halo marahil na kaonting *indonesiano*, at ngayo'y siyang mga kinikilalang pilipino.

Ang lahing ito ay nababahagi ngayon ng tatlong malaking bahagi: Una'y ang mga taong nagsipangubat na di napasaklaw sa kapangyarihan ng mga taga ibang lupain, ikalawa'y ang mga moro ó kumikilala kay Mahoma at ikatlo'y ang mga nagsipagkristiano.

Ang tatlong bahaging ito ay paraparang napapangkat ngayon ng lipilipi at angkan-angkan.

Ang unang bahagi, na sa mga taong gubat, ay lubhang marami ang pagkakapangkatpangkat; nguni't ang mga lubhang kilala ay ang Igorot Ilongot, Tingian, Gaddan at Kalinga dito sa Luzon, ang Tiruray sa Mindanaw at ang Tagbanua sa Palawan. Ang pagkakapangkatpangkat ng mga taong ito ay pinagkaroonan ng iba't ibang isipan ng mga tanyag na mananalaysay. Anang Profesor Blumentrit, sukat dito sa kalusonan at kabisayaan ay napapangkat ang mga ito ng tatlong pu't anim na lipi baga man kalakip na pati nang sa mga itim, at anang mga mananalaysay na Jesuita ay

dadalawang pu't anim, at sa bilang na ito ay may binangit pa ang mga Jesuita na di ibinibilang ng Profesor Blumentrit sa kanyang salaysay na gaya rin ng Profesor Blumentrit tungkol sa binangit ng mga Jesuita: ano pa't kung idadagdag ang mga binangit ng mga Jesuita na di naibilang ng Profesor Blumentrit sa kanyang pagkatala ay hihigit pa nga sa tatlong pu't anim na bilang niya. Ngunit hindi lamang ito, kundi dumating dito ang mga Americano at pinagsikapan ding masiyasat itong iba't ibang liping nagsisipangubat, na sa mga sumiyasat at nakakita ng mga ito ay di maliligtaan sina Dr. Barrows, Comicionado Dean C. Worcester, John C. Foreman, Dr. M. L. Miller, Capitan Charles E. Nathorst, at Capitan Samuel D. Crawford at di rin nangagkaiisa ng isipan bagay sa mga liping ito; sapagca't ani Dr. Barrows ay tatatlo ang liping malayo rito at kung baga man anya't marami ay angkan lamang ng tatlong ito ang iba, samantala namang ang sa Comicionado Dean C. Worcester ay anim ang liping malayong narito at anang iba ay isang gayon: ano pa at iba't iba. Kung alin ang matuid sa mga salaysay noong mga una sampu nitong mga huli ay di natin masabi at hangang ngayon ay di pa lubos na kilala ang boong paraa't ayos ng pamumuhay niyang mga taong gubat na nabangit baga man masasapantahang di lubhang magkakaiiba,

Ang ikalawang bahagi na sa mga moro, ay

gaya rin ng sa mga taong gubat na napapangkat ng lipilipi at angkan-angkan, na ang iba'y sa Dabaw, ang iba'y sa Samboanga, ang iba'y sa Kottabato at ang iba'y sa iba't ibang dako ng Hulo't Mindanaw na pawang may kanikanyang ngalan. Ang mga ito ang may lalong malinaw na kasaysayan kay sa lahat ng lipi rito sa Pilipinas, dahil marahil aa maagang pagkasulong nila sa katalinuang pakamahometano at pagkapagingat nila ng kanilang mga alamat at mga alala ng dating pamumuhay ng kanilang mga kanunuan. Tungkol dito ay di dapat ligtaang basahin ang salaysay ni Naajeb M. Saleeby sa kanyang aklat na kasusulat pa lamang.

Ang ikatlong bahagi, na sa mga nagsipagkristiano at siyang mga liping tinutukoy ko sa kasaysayang ito ay masasabi nating may walong lipi ang dami na dili iba't itong mga sumusunod: Ang *Bisaya*, na mga taong nanġananahan sa maraming mga pulong napapagitan sa Luzón at Mindanaw, sa makatuid baga'y sa mga puló ng Panay, Negros, Leyte, Samar at ibapa; ang *Tagalog*, na nanġananahan sa kalagitnaan ng Luzon at nakakalat sa mga lalawigan ng Maynila, Batangán, Kabite, Laguna. Bulakan, Bataan, Nueva, Ecija at iba pa; ang *Kapangpanġan* at *Pang-asinan* na nangakakalat sa mga kapatagan ng kabilagaan nitong Luzon; ang *Ilokano*, na nanġananahan sa may dakong kalagitnaan ng hilaga't kanluran ni-

tong Luzon; ang *Kagayan*, na nangagsasalita ng wikang Ibanag at nangananahan din sa Kagayan; ang Bikol na nangananahan sa Kamarines at sa mga lalawigan ng Sorsogon; at ang *Sambal* na nangananahan din sa Sambales. Dito'y di na kabilang ang ibang lipi na nanga sa Nueva Viskaya, sa pulo ng Batanes at Kalamianes dahil sa kaliliitan.



Ikatlong Pangkat.

Ang Pagkaparito at Pinangalingan ng Lahing Pilipino.

Ngayon ngang batid na natin ang dinamidami nitong mga lipilipi at angkan-angkang nangananahan dito na pawang kinikilalang pilipino ay di natin maliligtaan na di maitanong kahi't sa sarili kung ang mga ito ay katutubo rito ó kung bakit nangaparito at saan nangangaling.

Sa pagkakatatutubo rito, ng mga taong ito anang manga mananalaysay ay hindi at bago pa nga mandin ang mga ito ay ang mga ita muna ang nangnanahan dito; sapagka't di nga naman mangyayari na ang isang lahing mahina na gaya ng mga ita ay mahuli pa isang lahing may kaonting kalakasan. Nguni't mula pa sa kaunaunahang dako hangang sa panahong ito ay hindi kaila na ang tao ay laging nagsikap ng ikabubuti't ikagiginhawa ng sarili na kung di nga masiyahan sa kanyang bayan ay dumadayo sa iba; kaya't hangang ngayon ay may mga taong gubat na nagpapabuhatbuhat ng tahanan dahil sa paghanap ng lalo't lalong mabuting lupa ó ng dakong lalong maginhawa sa kanyang pamumuhay, at maging sa mga matalinong bayan man ay gayon din, at nariyan ang Australia na pinamamayanan

ng mga Ingles:—at—ang mga lupang Pilipinas, na halos lahat ng pulo't lalawigan ay saganā sa mga halama't pananim, sa mga kayamanan at sa balang ikabubuhay,—ay di mapagtatakhang pamayanan ng lahing ito.

Kung paano ang pagkapasimula ng pagkakaparito ng mga ito ay di natin masabi at walang aklat na makapagpatotoo, datapua't ang mga pagkakaganiganito ng mga tao noong unang dako, na nangapapalipat sa ibang mga pulo't lupain ay di kaila sa mga kasaysayan, at nariyan ang mga aklat nina Ratzel, Ellis, John Dunmore at ibp. Noon ngang una na di pa lubhang kilala ang katalinuan sa pagdadagat at wala pang kagamitan, kungdi ang mga sasakyang may layag lamang ay madalas nangyayari sa mga magdadagat na kung totoong nangapapalaot sa dagat at inaabot ng pagbabago ng hangin ay nangapapaligaw hangang sa másadsad sa ibang lupain, at mangyare, kung hindi na mangakabalik at kabubuhayan naman ang lupaing kinasadsaran ay natutuluyan ng doon mamayan, ó kung sakali mang nangakabalik at sa ganang kanila ay lalong maginhawa ang lupaing kinasadsaran nila kay sa lupa nilang tinubuan ay nangyayari ring pinagbabalikan at nag-aanyaya pa ng kanilang mga kamag-anak at kakilala. Ito nga ang matuid na masasapantaha natin, na dahil ng ikinaparito ng mga taong ito, at dito'y di natin maliligtaang di bangitin na pinakahalimbawa ang sali't saling sabi

ng mga Tagakaola at mga Bagobo sa Mindanaw na anila'y sadsad lamang sila sa lupaing kinatahanan nila ngayon at ang kanilang pinangalingan ay isang lupaing malayong malayo. Hindi ko na bangitin ang lubhang maraming mga pangyayaring ganito sa iba't ibang lupain at totoong makapal.

Bagay naman sa pinangalingan ay masasabi nating wala ng iba kundi ang mga kalapit lupain. At dito naman sa mga kalapit lupain ay wala ng ibang masasapantaha, liban sa mga lupang nasa dakong timog, na dili iba't ang kamalayahan dahil sa siyang mga tanging bayan na kahuad sa kulay tikas at anyo, kakapatid sa wika at kaayon sa halos lahat ng ayos at paraan ng pamumuhay ng mga Tagarito. Saká anang mga mananalaysay, siyang sali't saling sabi ng mga tao rito, na ang mga nabangit na lupain ang pinangalingan ng mga kanunuan nila. At bagay rito ay may salaysay si P. Colin na anyay: "May isang taga Kapangpangang nakarating sa Sumatra (isang lupaing malaya) at sumapit sa isang dako na kanyang kinaringan ng kanyang sariling wika at siya'y nakisagót na parang siya'y ipinanganak sa dakong yaon, anopa't tuloy sinabi sa kanya ng isang matanda na kayo'y mga inapó ng mga nagsi-alis dito noong unang dako na nangamayan sa ibang lupain at di na namin nangabalitaan."

Nguni't may isang bagay na hindi lahat ng

tao rito ay Kapangpangan ó Tagalog mang ó Bisaya kaya, kung di may taong gubat at may taong bayan, may Igorot at may Tingian, may Tagalog at may Bisaya at marami pa.

Ang kadahilanan nito, sa akalà ko, ay sanghî sa pagkakapangkat pangkat ng mga bayan malayo (ó lahing pinangalingan ng mga Tagarito) saká ang pagkakapangkat pangkat pa uli rito.

Kung ating ngang lilingunin at liliningin ang kamalayahan na pinangalingan ng mga Tagarito ay matatanto nating unauna na doo'y may kini-kilalang tatlong uri ng tao na dili iba't ang *orang benúa* (ó taong gubat), ang *orang-laut* (ó taong dagat) at ang *orang-malayo* (ó taong bayan). Sa una na *orang-benúa* ay masasapantaha na siyang pinangalingan ng ating mga taong gubat, na dili iba't siyang sapantaha ng mga kilalang mananalaysay ngayon. At ito'y mapaniniwalaan dahil sa pagkaka-paris ng pamumuhay ng mga ito sa pamumahay ng mga iyon: maliban marahil ang iba nitó, na gaya ng Tingian at iba na sa akala ko'y kauri rin ng mga lahi ritong kristiano ngayon na nagsipangubat lamang dahil sa pag-ibig marahil na manatili sa kanilang kalayaan at sa ganito'y náurong sa pag-sulong sa katalinuan.

Tungkol sa *orang—laut at orang malayo* ay di mapagtatakhang siyang pinagmulan ng mga taong bayan dito ayon sa kanilang ayos at paraan nang pamumuhay.

Bukod dito ay dapat ding tantoin na ang kamalayahan (maging taong—gubat ó taong dagat ó taong bayan) baga man supling sa isang lahi (sa lahing Mongol anáng mga mananalaysay) ay pangkat pangkat din, dahil sa nangamamayan hiwahiwalay sa pulo't pulo, na ang iba'y sa Sumatra, ang iba'y sa Java, ang iba'y sa Celebes at ang iba'y sa iba't ibang pulo, bukod pa sa nangatira sa kapatagan ng Malaka, at mangyare—sa pagkakapulopulo at pagkakahiwiwalay na ito ay nagkaiba't iba ng kaonti at sapagka't ang mga Tagarito, sa akala ko, ay hindi galing sa iisang angkan ng mga yaon, kundi sa iba't iba ay kaya naman iba't ibang rin ang mga lipi rito, bukod pa nga sa dito ma'y nagkapulopulo at nagkahiwiwalay pa uli.

Tungkol sa mga moro sa Magindanaw ay masasapantahang siyang mga huling naparito at ayon sa kapaniwalaan ngayon ay siyang mga kasabay ó kasunod ng mga taga malayang nagsipamayan sa Borneo noong dakong 1400.



Ikaapat na Pangkat.

Dating Pamamayan ng mga Tagarito

Bago nagpuno ang mga taga Europa dito sa Kapuluang Pilipinas, ay may sarili ng paraa't ayos ng pamumuno ang mga tagarito. Ang paraa't ayos ng pamunuang ito ay di kagaya ng sa iba't ibang lupaín na may isang dakilang puno ó pangulo na kinikilala, kundi sa bawa't pulo at lalawigan ay maraming pangulong may kanikanyang kampon at sakop na nayon-nayon at lipi-lipi. (1) anopa't, kaparis din ng pamunuan sa España bago nangagpaka-panginoón doon ang mga Romano't Godo.

Ang bawa't pangkat ng pamahalaan ay tinatawag na isang *balangay*. Itong salitang *balangay* ay pangalan ng sasakyang-dagat na di umano'y siyang nilulanan ng mga taga Malaya sa pagparito, (basahin ang pangkat na sasakyan) at ang dami ng mga taong sakáy sa bawa't isa nito ay tinatawag na isang *balangay* na dili iba't siyang

(1) Ang ganitóng ayos ng pagkakahihiwalay ng pamunuan dito ay minagaling ni Rizal. Anya'y kung napasa kapangyarihan ng isang katao lamang ang pamunuan dito nang panahong yaon, at anomang bagay ay isasangunì sa isang lugar, ay magiging ma-bigát sa bayán-bayán, at sa akála ko rin, dahil sa nang panahong yaon ay wala pa ritong telepono, telegrama at mga kasangkapang nagagamit sa madaling pagsasangunian.

nátatag na isang pamahalaan, At sapagka't may malalaki't maliliit na sasakyán ay nagkamalalaki't maliliit namang balanğay ó pámahalaan.

Ang bilang ng mnga tao sa pinakamunting balanğay ay limang pú at sa pinakamalaki ay umáa-bot ng hangang pitong libo.

Ang ibang mnga balanğay ay magkakasundô at hangang sa naglalakip-lakip (1) upang kung sala-kayin ng mnga kaaway ay huwag masupil; nguni't ang pagkakálakip na ito ay sanhi ng pagkakasunduan at hindi ng pagsasáilaliman ng isa't isa: ano pa aga't bawa't balanğay ay may kanya ring sariling pangulo, liban na sa panahon ng digma na pumipili ng isang mangungulo sa kanilang lahat.

Ang pangalan ng pangulo sa bawa't balanğay ay *Dato* na ang kahulugán sa wikang Malaya (ani Dr. de Tavera). ay nuno ó lelong: ano pa nga't dito'y ating mapagninilay na ang ayos sa pámunuan ay isang pamumuno sa gulangan. Itong tawag na *Dato* na pangulo ay nanánatili pa hanga ngayón sa Holó't Mindanaw. Ang pangulo namang nagpupuno sa samasamang balanğay ay nagkakapamagát ng *Laca* ó *Raja* ó *Ladya* ó *Radja*. Mula ng humitaw ang maho-

(1) Ani Rizal. ay di malayong ang ganitóng paglalakip ay ma-laon nang iníuuzali rito. at sa katunayan (anya'y) ang pangulo rito sa Maynilá ay pinakapanğulong *General*. ng sultán sa Bórneo; ayon sa patotoó ng mnga kasulatan noong siglo XII,

matismo (pananalig kay Mahoma) ay ginamit ang salitang *sultán*. Di umano'y may nagpápagmagat din ng *Hari* na siyang dating kapangalanán sa mga dakilang pinuno sa India, at ang kahulugan sa sanskritó, ani Dr. de Tavera. ay Brahma, araw, Vishnu.

Ang pamumuno ng pangulo ay paratihan ó sa tanáng buhay. At ang pagkapuno't pagkamáginoo ay minamana ng anak at kung sakaling wala, ay mga kapatid ó kamag-anak na malapit, ang humahalili. Ang tungkulin ng mga ito ay pagpunuan ang kanikanyang sakop at kampon at tuloy lingapin ang kanikanilang usapín at kailangan; at ang sabihin namán ng mga ito ay iginagalang at ginaganap ng kanikanyang sakop na mga tao. Iginagalang din ang mga kamag-anak at inapó ng mga puno, na kung бага ma't hindi nakapagmana ng pagkapuno ay pawang ibinibilang namáng taong-mahal at ipinakatatangi sa mga taong karaniwan. Kung paano ang kamahala't pagkamaginoo ng mga lalaki ay gayon din ang sa mga babae (1).

Sa mga balangay ná nabangit ay may tatlong kalagayan ng tao: Una'y ang mga mahal

(1) Ani Rizal ay naáayon sa kautusán ng katalagahan (naturaleza) ang pag-uugaling itó ng mga dating pilipino, na higit kay sa mga tagá Europa na nawawalán ng kamahalan ang babae kung nag-sasawa sa mababa kay sa kanya, dahil sa isinasalalaki amang ang kamahala't kababaaan. Anya'y isang katunayan ito na ang mga babae nga rito'y, pinagbibigyan na mula pa noong una.

na pinamamagatang *Maginoo* ó *Ginoo*; ikalawa'y ang mga nakaririwasa na pinamamagatang *timawa* (ó payapa) at anáng ibang mga mananalaysay ay *maharlika* ang pamagat, na sa wikang Malayo ani Dr. Tavera ay *laya* ang ibig sabihin; at ikatlo'y ang mga alipin na sa Bisaya'y *oripun*.

Ani Colín, ang mga lalaking may mahal na uri ó mga *maginoo* ay nagpapamagat din ng *Gat* ó *Lakan*, gaya ng *Gat Maitan*, *Lakán Dula* at iba pa at sa mga babae nama'y *Dayang* gaya ng *Dayang Mati*. Anang iba'y naging karaniwang kasambitan din ang ating kinauugalian pa hanggang ngayong *mama* (amain) ó *mang* sa mga lalaki at ang *ale* sa mga babae.

Sumusunod sa uring ito ang mga *timawa* (payapa) ó *maharlika* (laya). Ang mga ito'y tangi sa ibang uri na walang sinasailaliman libang sa kanilang Dato ó pangulo. Hindi rin nangagsisibayad ng buwis at ang paglilingkod na ginagawa ng mga ito ay ang tungkol lamang sa naayon sa *ugali*. Itong *ugaling* tungkulin nila, ay ang sumunod sa utos ng pangulo ó puno sa panahon ng digma: kaya't ang mga ito ang siyang nangagsisibuo ng kawal ó hukbo ng balangay at sa ganito'y may pamagat na *kabalangay*. Bukod dito ay tungkulin din nila ang tumulong sa pangulo ó Dato kung panahong nagbubukid ó umaani at gayon din sa pagtatayo ng bahay, sa

pag-gaod sa sasakyan niya kung sakaling naglalayag nguni't sila'y pawang pakain sa loob ng boong panahong kanilang ipinaglilingkod.

Ang sumusunod sa nangabangit ay ang mga *alipin*, na sa Bisaya'y *oripun*, at ang mga ito'y may dalawang kalagayan: ng pagka-alipin: ang *aliping namamahay* at ang *aliping sagigilir*: itong huli sa Bisaya'y tinatawag na *ngalon*.

Ang *aliping namamahay* ay pinagbibigyan pakundangan. Ito'y may bahay na sarili; kaya't may pamagat na *namamahay*, at sa panahong kinakailangan lamang naglilingkod sa panginoon, at ang paglilingkod na ito ay sa pagbubukid at pag-aani ng kanyang panginoon, at gayon din sa sasakyan kung sakaling naglalayag. Kailangan din tumulong sa pagpapagawa ng bahay ng panginoon at tuloy naglilingkod sa bahay nito kung sakaling may panauhin, ano pa nga't tungkulin ng *aliping namamahay* ang maglingkod sa panginoon kailan ma't kakailanganin; nguni't natatangi sa ibang alipin dahil sa may sariling bahay at saka hindi naipagbibili. Wala ring namang bayad sa paglilingkod, at sa madaling sabi ay siyang mga tinatawag nating *kasama*, *bataan*, *kampon*, *tao* at ipa pa. Nakalilipat din naman ang aliping ito sa kalagayang *timara* ó *maharlika* kung nagbabayad sa kanyang panginoon ng katampatang halaga na ayon sa kaugalian.

Ang *aliping sagigilir* ó *ngalon* ay siyang tu-

nay na alipin na ang iba'y sa tanang búhay at sa akala ko'y tinatawag na *sagigilir*, dahil sa di nakalálayo sa gilid ó paligid ng panginoon. Ang pagkakapagíng alipin ng mga ito ay dahil sa pagkukulang sa Dato ó pang-ulo, dahil sa pagdigmaan, pakikipag-usapín at gayon din sa pag-uutangan at ibp.

Ang mga alipin ito ay siyang pinakamalaking yaman ng mga tagarito, dahil sa nákakatu-long nilang malabis sa kanilang nga bukira't hanap-buhay, at ang mga ito'y náipagbibili't náipagpapalit ng isang panginoon sa ibang panginoon, ng isang bayan sa ibang bayan, ng isang lalawigan sa ibang lalawigan at ng isang pulo sa ibang pulo. Gayon man, ani Argerzola (sabi ni Rizal), ay hindi lubhang hamak ang pamumuhay ng mga alipin itó, dahil sa kasalong kumakain sa dulang ng kanilang panginoon at hanggang sa naáaring mag-asawa sa kabahay ng panginoon, maliban na sa ilang masamang panginoon, na saa't saan ma'y di nawawalâ. Nguni't ayon sa salaysay ng ibá (wika rin ni Rizal) ay lumubha ang kalagayan ng mga aliping ito nang masakop ng España ang mga tagarito hangang sa ang iba'y nangagpakamatay sa gutom at ang iba'y nangagpakamatay sa lason, at pinatay ng ibang iná ang kanilang anák sa panganganák (Basahin ang paaninaw ni Rizal sa dahong 295 ng aklat ni Morga).

Ang mga anak at inapó ng mga aliping itó, maging *namamahay* at maging *sagigilir* ay nagmamana ng kalagayan ng magulang, na siyang dating kaugalian sa halos lahat ng lupaing malayo. At ang pagkaalipin nitóng mga aliping *namamahay* at *sagigilir* ay sari-sari, dahil sa mayroong buô ang pagkaalipin, at mayroong kákalahati at mayroon namang ikapat na bahagi lamang. Ang dahil ng pagkakaganito ay mababasa sa pangkat ng kaugaliang pinanununtunan sa mga kapaslangan at sigalutan.



Ikalimang Pangkat.

Dating Pananamit

At kalinisan sa katawán ng mga tagarito

Noóng unang dako ang mga tagarito ay magkakaibá ng pananamit: na anó pa't sa Luzón ay iba sa Bisaya'y iba at gayon din sa ibang dako.

Ang pagkakáganitó marahil ay sapagka't galing sa iba't ibang dako ng Kamalayaan ang mga tagarito at inugali ng isa't isa ang pananamit sa kanikanyang bayang pinangalingan.

Dito sa Luzón (sa ilang lalawigan marahil) ay nananamit ang mga lalaki ng *kanyan* (barong azul) na lagpas ng kaunti sa baywang, isinasara sa harap, walang liig at maikli ang mangás; nguni't may nagsusuot din ng kulay itim. Ang sa mga maginoo'y kulay-pulá at sa India pa nangagaling. Bukod dito'y nagbibigkis sa baywang ng isang kumot na tulóy ibinabahag; ang hita'y litaw, ang mga paa'y walang suót at ang ulo'y walang takip maliban sa isang makitid na panyo na mahigpit na itinali sa noó at kimót-kimutan na pinanganganalang *potong* ó *putong*. Ang *putong* na ito ay iniikid ng sari-saring paraan, na kung minsa'y wari *turbante* ng mga *moro* na walang *bunete*, at kung minsan nama'y nakapulupot na parang kubóng ng *sombrero*. Ang nagmámatapáng ay nag-

lálawit ng mga dulo ng panyóng ito na pinaá-abót hangang sa batok. Sa kulay nang panyo ay napagkikilala ang pagkapuno, dahil sa siyang ginagamit na pinakasagisag sampu sa kanilang pakay at kataasan. Ang sino mang hindi pa nakakapatay (marahil sa digmá, ng isa man lamang, ay hindi tinútulutang gumamit ng *putong* na pulá at kaya't makagamit ng ikid ó pugong na parang *corona*, ay kung nakápatáy na ng pitó Ang pinakadagdág na kasuutan ay isang mainam na nakukulayang kumot na isinasalabat sa balikat, saka ibinubuhol sa may ibaba ng bisig, at ang káyong dinaramit ay sutla't babarahin. Bagay naman sa paghihiyas ay nangagkúkuwintás ng tinanikalang ginto na iníkid sa liig at ang pagkakákawing-kawíng ay gaya ng sa mga taga Europa; nangagsusuót sa bisig at galang-galangán ng kalombigas (pulsera) na gintong tinipi at may anyóng sarisari, na tuloy sinásaglitan ng mahahalagáng batóng kawigin at ágata, puti't bugháw ang mga pinakamahál. Anáng iba'y gumagamit din ng garing; at sa mga daliri naman ay nangagsisingsing ng ginto't iba't ibang bató.

Sa ibang dako naman (sa katagalugan marahil) ay may kaibhán dahil sa nangagbabaro at nangagsasalawal ang mga lalaqui, at kung may pinaró-roonan ó napasa sa simbahan (sa pagparoon lamang sa mga simbahan, sa akalá ko) ay nananamit ng isang kasuutang kulay itim na kung tawagi'y *sarampuli*. Ang kasuotang ito'y mahaba na abot

hangang paa at ang mangas ay makipot na di umano'y isang kasuotang lubhang mahinhín. Kung isuot ito ng mga tagalog ay buo at parang sapot, na ano pa't sa ulo pinapagdaraan at isang kasuotang karaniwan. Ang mga babayi naman ay nangagbabaro at nangagsasaya, at kung may pinaroroonan (sa pagpa sa simbahan din marahil) ay gumagamit ng isang pantakip sa ulo na abot hangang paa at kulay itim ang pinakapipiling kulay, saká nangagtatapis; nguni't ito'y higit na inuugali sa katagaluga't kapanayan kay sa kabisa-yaan. Bukod dito'y nangaglalagay sila sa buhok ng pusod na tangalin (postizo) na ang ipinang-aalalay ng lalaki't babae ay ipit na ginto ó pilak na may batóng *perlas* ó *diamante* sa pinakaulo, at kung hindi naglulugay ng buhók ang lalaki ay nagtatalí sa noo ng panyô na kung tawagi'i *purug*, at ang mga babae namán kung napasasadaan ay nangagsasalakot na ang tawag sa Bisaya'y *sarok*.

Sa lalawigan nang Sambales, ang lalaki'y nag-aahit ng buhók sa harapán ng ulo at sa kaymotan ay nag-iiwan ng isang kumpól na lugáy na, aní Rizal, ang ayos na ito ng pagbubuhók sa Sambales at ang pananamit ng mga taga Bisaya, ay nahahawig sa *kimono* Hapón. At ang mga babae sa lalawigang itó ay nangagbabaro ng sarisaring kulay at nangagsasaya rin, at ang mga may mahal'na uri ay nangagkukundiman, nangagsusutla at nangananamit ng iba't ibang káyo na

pinamumutihan ng ginto at ng sari-saring gayák na palawít; nangagkukuwintas ng tinanikalang ginto, nangagkakalombigas (pulsera) sa galang-galangan, nangaghihikaw sa tainga ng makapal na tiping ginto at nangagsisingsing sa daliri ng ginto rin at sari-saring hiyás.

Sa Katanduanes naman ay nangagsasaya ang mga babae ng ayon sa ugali ng mga taga Bisaya, nangagsisigamit ng mahahabang balabal, ang buhók ay pusód, na mainam ang pagkasuklay at sa noo'y may sintás na nababatakan ng ginto, na ang luwang ay dalawang dali. Sa bawa't tainga ay nakahikaw ng tatlo, isa sa kaugalian ngayon at ang dalawa'y sa may dakong itaás na magkasunód: at marahil ay ang mga ito rin an sinasabi ni P. Chirino na nagsisipaggayák ng kakatwa sa bukong-bukong.

Ang mga taga Bisaya naman ay nangag-gugupit ng buhók na kagaya ng sa dating kaugalian sa España at nangagpipinta sa katawan ng sari-saring anyô at kulay. Ang pagkakapinta'y mainam at bagay-bagay at anang iba'y hindi lamang katawan ang pinipintahan kundi pati ng baba't kilay, Ang paraan ng pagpipinta, bago gawin, ay ginuguhitan muna ng manganatha ng akalang maáyo't mábabagay sa katawan at gayon din sa pagkalalaki ó pagkababae, saka pinipintahan. Ang panguhit na ginagamit ay kawayang parang *pincel* na matulis ang dulo at siyang ipi-

nangduduro hangang sa lumabas ang dugo, saca binubúdburan ng pulbós, ó kung dili ay usok ng sahing na maitim, na kailan ma'y di na mangungupas. Hindi pinipintahang bigla ang boong katawan, kundi bahabahagi, at datiha'y hindi muna nagpipinta hangang hindi makapapamalas ng anumang katapangan. Ang mga bata'y hindi nagpipinta, nguni't ang mga babae ay nagpipinta ng isang boong kamay at ng bahagi ng ikalawa. Dito sa pulo ng Luzón ay nangagpipinta rin ang mga taga Iloko, hindi lamang lubós na kagaya ng sa mga taga Bisaya. Sa paghihiyas ay nangaghihikaw ng malalaking hikaw na ginto at garing at nangagkakalombigas; sa ulo'y nangakakulubóng ng ukang wari *turbante* na may batíkbátik na ginto; nangagbabaro ng makipot at mahaba na walang liig, at sa harapan isinasará. Hindi nangagsasalawal, kundi bahág lamang na ibinibigkis sa harapan. Ang mga babae'y may magagandang anyo't kilos, malilinis at makikisig na lumakad; ang buhok ay maitim mahaba at nakapusód, nangakatapi sa baywang ng kayóng sari-saring kulay at nangakabaro ng walang liig; hindi nagsisipagsuot sa paa, nguni't nangaghiyas na nagsisipagkuwintás ng ginto, nagsisipaghikaw at nagsisipagkalombigas.

Bagay namán sa kalinisan, lalaki't babae at lalo na ang mga máginoo, ay totoong malinis sa kanikanyang katawa't bihis; nangagpapaitim

na mainam ng buhók na nagsisipaggugo at nagsisipaglangis ng lingáng may pabangó. Sa ngipin ay lubhang mainat na lahat, na mula sa pagkabata ay pinapantay ng mga bato't iba pang mga kasangkapang pangkiskis at pinaitim hangang sa tumanda, na tuloy sinasaglitan ng ginto at nililinis pagkakain at pagkakagising.

Bata't matanda ay naliligo sa mga ilog at sa malaking bangbang na, ani Morga'y, kahi't sa anong oras, dahil sa di umano'y inaaring pinakamainam na kagamutan: kaya't pagkapanganak (anyá) ng babaye ay agád naliligo at pati bata'y pinaliliguan din (1). At ani Colin, ang karaniwang oras na ipinaliligo ay sa pagkalubóg ng araw, pagkatapos ng gawain at sa pangagaling sa pakikipaglibing na naging kaugalian din sa Hapón. Saka kung naliligo ay mahinhing nauupo na inilúlubóg ang katawán hangang sa lalamunan na nangagpapakainat upang huwag maging tudláng ng matá nino man.



(1) Ani Rizal, ay di lubhang mapaniniwalaan ito dahil sa pinakainat ng mga tagarito ang maligo sa tanghali, pagkakain, pagkabagong kalilitaw ang sipon at pagka pinapanahón ang babaye at iba pa.

Ikaanim na Pangkat.

• Kaugaliang pinanununtunan sa mga Kapaslangan at Sigalutan.

Palibhasa't ang mga Tagarito ay nangamamayan at may mga tatag na pamahalaan ó balangay ay may mga hukom at tuntunin ring pinanununtunan.

Itong mga tuntuning pinanununtunan sa kanilang balangay ay pawang alinsunod sa kanilang mga alamat at kaugaliang kinagisnan (1) na di binabago at mahigpit nilang tinatalima. Datapuat di umano'y may mga pangulo rin namang nagsisipaglagda ng mga kautusan, saka itinatanyag sa bayánbayán' nang isang mananawag na pinanganlang *Biuhahasan*. Sa pagtatanyag, di umano, ay nagdadala ng isang batingaw na tinutugtog upang mapag-alaman ng mga tao.

Ang mga hukom sa mga usapin nila ay ang

(1). Aní Rizal ay siyang lalong mabuti, dahil sa siyang nakapagpapayapa sa mga tao, sapagkat, anyay may higit na tibay ang ugali kay sa isang kautusang nasusulat ó nalilimbag, lubha pa't itong kautusang nasusulat ay naipananaksil ng mga may kapag-yarihan. Ang katibayan, anyá ng isang kautusan ay wala sa pagkakalimbag sa isang dahon ng papel, kung di na sa pagkalimbag sa ulo ng magsisiganap, malaman mula sa pagkabata, maayon sa kaugalian, at lalong lalo ng kailangan na matatag ng walang pagkabago. Ang Tagarito ngá, anyá, mula sa pagkabata ay nakatátanto ng kanilang mga alamat, namumuhay at lumalaki sa panganorin ng kanilang mga kaugalian, at hindi gaya ngayon na nagtatatag ng mga kautusan sa bayan na di man lamang nalalaman ó nauunawa at madalas pang binabago.

kanikanilang pinakapangulo (1) na kung minsá'y nagiisa at kung minsá'y kasama ng isang datò sa balangay ó ng isang maginoo sa nayon: at ang pangulo sa balangay ay may sakdal na kapangyarihan na maaaring gumawa ng ano man na walang sanguni sa iba, at sa ganito, ang magkulang sa kanya ay naparurusahan niya ng kamatayan ó pagkaalipin ó pagbabayad kaya ng isang gayon.

Ngunit sa pagmumungkahian at mga sigalot ng magkakasambahay ó ng magkakamag-anak ay karaniwang ang matatanda na lamang sa nayon ang pinagsasakdalan na siyang humuhusay at ganap na dinidinig naman ng mga may sigalot:

Sa pagpaparusa naman ay walang bilibid ó bilanguang gaya ngayon, kundi ang kaugaliang parusa na inilalapat sa nagkasala ay ang pagbayarin ng isang gayon ó alipinin kaya at kung tootong mabigat ay nilalapatan ng parusang kamatayan. At upang matanto ng manbabasa ang mga tuntunin sampú ng mga salang kinalalapatan ng mga parusang nábangit ay aking ihahanay dito sa sumusunod.



(1) Ngunit ani P. Placencia ayon sa salaysay ni Dr. T. H. Pardo de Tavera, kung may hilig sa kanino man ang pangulo ny pumipili sa ibang balangay ng mailalagay na pinakahukom at di umano'y may mga kilalang gayong tao na humahatol ng walan hilig.

Sigalot ng mga pangulo sa dalawang balangay

Kung ang mga pangulo sa dalawang balangay (na magkasundô marahil) ay magkaroon ng ano mang sigalot ó usap ay pumipili sa ibang balangay ng isang pangulo na mailalagay nilang pinakahukom upang humatol sa kanila ng walang hilig; sa pagka't bagá man sa iba't ibang balangay ay may iba't ibang tuntuning pinanununtunan ay halos magkakaayon di umano. (1)

Pag-aasawa sa taga ibang balangay.

Kung ang isang maharlika ó timawà (maging lalaki maging babae) sa isang balangay ay mag-asawa sa taga ibang balangay ay hindi makalilipat sa balangay na tinatahanan ng magiging

(1) Aní Rizal, ay napagkikilalang may malabis na kasunduan kay sa digmaan dito sa pagkakaayon-ayon ng mga tuntunin, at di malayó. anyang, may isang malaking pagkakasunduan dito; sapagka't ang pinakapangulo rito sa Maynilà ay pinakapunong-hukbo ng Sultan sa Borneo. Anya'y may mga kasulatan noong siglo XII na nagpapatootoo nito.

asawa, kungdi magbayad ng isang gayong halaga na paratang ng mga datò. Ang paratang na ito ay mulâ sa isang putol na gintò hangang tatlo ayon sa paratang ng balanğay, bukod pa ang isang paanyaya sa boong balanğay na aalisan. Kung ito'y hindi ganapin ay maaaring digmain ng balanğay na aalisan ang balanğay na lilipatan, malibang pagkasunduan na ang mga anak ng mag-asawa ay hahatiin sa kanikanyang balanğay.

Katungkulan ng mga kampon sa isang balanğay.

Ang sino mang kampon ay hindi bumabayad ng buis, nguni't napatutulong ng pangulo sa kanyang mga kailangan, gaya sa pagtatayô ng kanyang bahay ó sa kanyang pag-aani, sa pagbungkal ng kanyang bukid, sa paggaod sa kanyang sasakyan at ibp.; nguni't ayon sa salaysay ni Morga ay ibinubuis ng mga kampon ang kaniyang naaani sa kanikanilang bukiran.



Sa Nakamatay.

Ang nakamatay¹ ng isang alipin at humingi ng tawad ay hindi pinarurusahan ng lubhang mabigat, kungdi pinapagbabayad lamang sa panginoon ng halagá ng aliping napatay saka hinahatulan ng hukom ng iba pang parusang kanyang magalingin.

Ang nakamatay ng isang timaña ay kamatayan rin ang parusang inilalapat; ngunit kung humingi ng tawad ay iniurong ang gayong parusa at ipinaaalipin na lamang sa namatayan. Di umano'y kung sakaling salapi ang naging kahatulan ay kalahatí lamang ang ibinibigay sa namatayan at ang kalahatí ay sa hukom.

Datapua't ang nakamatay ng pangulo ó maginoo ay pinapatay ng walang patawad at ang mga kaalam ay pawang inaalipin sampû ng kanilang mga anak.

Paghuli sa magnanakaw.

Upang hulihin ang mga magnanakaw ay tinatawag ang mga pinaghihinalaan, at mga pinapagsasalansan sa isang dako ng mga balaba ng dahon ó ng mga damit kaya, at kung pagkatapos nito'y

masumpungán sa salansan ang nawala ay hindi na pinag-uusig pa, nguni't kung hindi ay sinu-subok sa alin man dito sa tatlong paraang sumusunod:

Una.—Dinádalá ang mga pinaghihinalaan sa isang dakong malalim ng ilog na bawa't isa'y may daláng pangpigil sa ilalim ng tubig upáng kung pasisirin ay makapanguyapit na matagal sa ilalim, at sa ganito, ang unang lumitaw ay siyang inaaring may sala. Di umano'y namamatay ang iba sa pagkahunod dahil sa takot na siyang ariing may sala.

Ikalawa.—Naglalagay ng isang bató sa isang sisidlang may kumukulong tubig, saka ipinadampot sa mga pinagbibintangan at ang umayaw ay siyang nagbabayad ng nánakaw.

Ikatlo.—Pinapagtatangan ang mga pinagbibintangan ng tig-isang kandila na magkakasinlaki at magkakasinbigat, at kung sino ang unang mamatayan ay siyang inaaring nagnakaw.

Ang parusa namang inilalapat sa nagnakaw kung ang ninakaw ay hindi lumalagpas sa halagang apat na putol na ginto ay ipinasasauli ng hukom ang ninakaw saka pinapagdadagdag pa ng isang gayon. Kung higit sa apat na putol na ginto ay inaalipin. At kung isang kate na ginto ay nilalapatan ng parusang kamatayan ó kung dili ay inaalipin ang nagnakaw sampû ng asawa't mga anak.

Di umano'y kaugalian din naman (marahil sa ibang balangay) na sa unang pagnanakaw ay pinapagbabayad lamang ng isang gayon, sa ikalawa'y inaalipin at sa ikatlo ay pinapatay ó kung sakaling pinatatawad dito sa huling parusa ay kung inaalipin sampu ng asawa't mga anak.— Ngumi't ang anak na hiwalay sa bahay niya ay hindi idinadamay sa pagkaalipin, dahil sa isipang hindi kaalam sa pagnanakaw.

Pagsásamá

Kung ang dalawang tao ay magsamá ng tiggayong halagá upang mangalakal, at ang may hawak ng salapi ay maharang ng kampon sa di kasundong balangay ay katungkulan ng kasamá na tubusin ang naharang; nguni't kung ang pagkapahamak ay kasalanan ng may hawak ng salapi ay kailangang isauli ang salaping naparual ó kung dili ay ng mga anak. At kung walang maibayad ay masasanlang pinakaalipin siya at ang kalahati ng kanyang mga anak sa kasamang dapat pagbayaran.



Pagmamamanahan

Sa pagmamamanahan ay hindi kailangan ang testamento, kungdi sukat na ang pahimakas na bilin ng namatay sa kanino mang kaharap; sapagka't ang bilin ng magulang ay lubhang mahalaga, dahil sa kapanampalatayan na ang mga kalulua ng kanilang nangasirang magulang at kanunuan ay kasama rin nila sa sandaigdigang ito at siyang sa kanila'y nagpapaginhawa ó nagbibigay-hirap ayon sa asal nila (basahin ang paglilibing) ano pa't sa ganito'y hindi inuugali ang pagdadaya at pagsisinungaling.

Sa katungkulan.—Ang mga anak lamang sa tunay na asawa ang nakapagmamana ng katungkulan ng magulang, ano pa't kung pangulo sa isang balangay ang magulang at mamatay ay ang pang'anay sa mga lalaki ang humahalili at kung patay na ay ang pang'alawa; nguni't kung walang anak na lalaki ay mga anak na babae ang humahalili ng papagayon din, at kung sakaling walang anak ay kamag-anak na pinakamalapit ang nagmamana, na ani Rizal, ay siya ring kautusang pinanununtunan ng mga anak-hari sa España, Inglatera, Austria at ibp.

Sa mga tunay na anak ng mag-asawa.—Ang tunay na magkakapatid sa ama't ina ay nagsisipagmana ng magkakasindami, malibang ibigin ng

amá ó ng iná na palamangan ang sino man sa kanilang anak ng dalawa ó tatlong putol na ginto ó ng isang hiyás kaya. Kung ang isa sa mga anak ay nag-asawa sa isang uring maginoo at dahil sa kalakhan ng kanyang bigay-kayang ipi-nagkaloob ay makahigit sa mana kay sa kanyang mga kapatid ay hindi ibinibilang ang kahigitang yaon; datapua't ang ano mang bagay na ibinigay ng magulang sa kanino mang anak maging sa pangangailangan ó hindi ay ibinibilang sa pagmamanahan.

Kung sa pagmamanahang ito ay may isang aliping nauukol sa lahat ng magmamana ay binabahagi ang panahon ng paglilingkod nito sa bawa't isa sa kanyang papanginoonin ayon sa pagkakasunduan nila. Kung sakaling hindi lubos ang pagkaalipin, kungdi kakalahati ó ikapat na bahagi lamang ang pagkaalipin ay pagbabayaran ng mga panginoon ang paglilingkod niya sa panahon ng kanyang kalayaan ayon sa kanyang pagkaalipin.

Mga anak sa una't huling asawa.—Kung ang sino man ay nakapag-asawang makalawa at kapua pinagkaroonan ng anak ay nagmamana ang isa't isa sa mga anak ng ayon sa mana't bigay, kaya na ukol sa kanikanyang ina, at ang pag-aari ng amá ay binabahagi sa lahat na walang palamang sa kanino man.

Mga anak sa tunay na asawa at mga anak

sa alipin.—Kung ang sino mang lalaki ay nagka-anak sa tunay na asawa at nagkáanák pa sa alipin ay hindi nagmamana ang sa alipin; nguni't ang aliping naanakan ay pinapagiging-laya at ang anák ay pinagkakalooban ng miski ano, na kung maginoo halimbawa ang lalaki, ay isang putol na ginto ó isang alipin kaya,

Mga anák sa asawa at mga anák sa babaeng kinakasama lamang.—Kung ang isang lalaki ay nagkaanak sa asawa at gayon din sa isang babaeng laya na hindi asawa ay hindi nagmamana ng magkakasingdami ang mga anák, kungdi ang dalawang ikatlong bahagi ng tinatangkilik ng amá ay iniuukol sa mga anák sa tunay na asawa at ang ikatlong bahagi ay sa mga anák sa babaeng laya na kinakasama lamang at di tunay na asawa.

Mga anák sa di asawa.—Kung ang sino man ay walang anák sa tunay na asawa, kungdi sa babaeng kinasama lamang ay nangagmamanang lahat ang mga anák at kung sakaling may anák sa alipin ay pinagkakalooban lamang ng ayon sa nabangit sa dakong una.

Kung walang kaanák-anák liban sa alipin lamang ay walang nagmamana, kungdi ang magulang ó nuno ó mga kapatid ó mga kamag-anak na malapit ng namatay at ang ipinagkakaloob lamang sa mga anák sa alipin ay ang gaya rin ng nabangit na.

Mga anák sa kaagulo.—Ang mga anák sa ka-

aagulo ay hindi nagmamamana ng ano man at inaari pang masamang uri, (1)

Sa Inaring Anak.—ang pag-aring anak sa iba ay totoong kaugalian at sa pagmamanahan ay nagmamamana ng ibayong halaga ayon sa ibinigay ng ama ng siya'y ipaaring anak: ano pa't kung ipinagbigay siya ng isang putol na ginto ay magmamana siya ng dalawang putol sa pagmamanahan.

Sa Bigay---kaya.

Ang nanunungkol ng bigay-kaya ay ang lalaki at ito'y ayon sa kasunduan. Ang kasunduang ito ay karaniwang pinagkakayarian ng mga magulang mula sa pagkabata ng mga anak, at kung gayon ay katungkulan ng mga magulang ng lalaki na ipagpauna ang kalahati ng bigay-kaya na pinanganganlang *kalabgayan* at pagdating ng araw ng pag-aasawa ay saka ibinibigay ang kalahating kabuoan na pinanganganlan *ligay ó dahik*.

(1) Ang ganitong asal sa sarisarig anak. ani Rizal, na ang mga anak sa tunay na asawa ay nagsisipagmana ng magkakasindami; ang mga anak sa babaeng kinasama ay nagmamamana ng isang gayon; ang mga anak sa alipin ay hindi pinamamanahan ng ano man, ngunit pinapagiging laya sampu ng kanilang Ina; at ang anak sa kaagulo ay inaaring masamang uri ay nagpapakilala ng taos na katalinuan at bait ng mga dating Tagarito.

Ang bigay-kaya ay napapa sa magulang ng babae. At ang babae sa kanilang pagkadalaga ay walang ano mang tinatangkilik at kahi ma't kumikita ay sa magulang din.

Ang kasunduang mulâ sa pagkabata at may páunang *kalabgayan* ay kinasasanghian kung minsan ng ligalig, dahil sa kung lumaki ang mga batà at umayaw ang sino man sa kanila ay inusap ang magulang ng umayaw dahil sa sapan-tahang siyang nag-udyok. Nguni't kung patay na ang magulang ng sino man ay nagsasaulian na lamang at hindî na nag-uusapin.

Kung ang sino man ay magsabi na ibig niyang mag-asawa kay gayon at sa kaarawan ay umayaw ay pinarurusahan ng mahigpit at kung mayaman ay sinasamsaman ng malaking bahagi ng yaman.

Sa Pakikiagulo

Ang salang makiagulo, palibhasa't sigalot sa sambahayan ay karaniwang sa matatanda isinasakdal, at ang karaniwang parusa na inihahatol naman ng matandá ay pagbayarin ang nakiagulong lalaki ng isang gayong halaga (1) sa asawa ng babae na

(1) Ang dating ugaling ito ng mga Tagarito, ani Rizal, ay inugali ngayon ng maraming lupain sa Europa, at anyay wari lalong mabuti't matuid kay sa awáyin ang umagulo na ang kadalasang nangyayari 'ay siya pang nalalagay na katua.

pinakapantakip sa nasirang dangal. At sa min-sang nabayaran ay nagsasama uling tiwasay ang mag-asawa at nililimot na ang bagay na yaon, at pati anak ay hindi inaaring anak sa pakikiagulo.

Datapua't ang asawa ng isang pangulo na magkasala ng pakikiagulo ay nilalapatan ng parusang kamatayan, at ang lalaking umagulo ay pinapatay kung mahuli ó kung nakataanan ay pinapagbabayad ng isang gayong halaga.

Sa Paghihiwalay ng mag-asawa.

Sa mga ganitong sigalot ay matatanda ang humahatol na kasama ng mga kamag-anakan (1) ng magasawang naghihiwalay.

Kung ang mag-asawa ay naghihiwalay ay hinahati ang kanilang kinita sa kanilang pagsasama, nguni't ang dating pag-aari bago nagsama ay hindi hinahati, kungdi dinadala ng isa't isa ang kanyang dati.

(1) Ani Rizal ay makapupong magaling kay sa kautusan ngayon ng mga Frances at mga Ingles, sapagka't anyay wala nang iba pang magaling na humatol sa mga sigalot ng sambayanan na gaya ng matatanda't mga kamag-anakan nila na lubos na nakatatalos ng kanilang pamumuhay.

Kung ang babae ang humihiwalay sa asawa upang mag-asawa sa iba ay kailangang isauli ang bigay-kaya at dagdagan ng isang gayon, na ang magsasauli nang nabangit na bigay-kaya ay ang magiging bagong asawa. Nguni't kung humihiwalay lamang at hindi upang mag-asawa sa iba ay ang bigay-kaya lamang ang isinasauli.

Kung ang lalaki ang humiwalay, maging sa pag-aasawa sa iba ó hindi man at hindi kalooban ng babae ay walang matuid ang lalaki na bumawi ng bigay-kayang ibinigay niya ayon sa salaysay ni P. Colin; nguni't ani P. Placencia ay isinasauli ang kalahati ng bigay-kaya.

Kung ang mag-asawang naghihiwalay ay may anak ay napapa sa anak ang bigay-kaya at ang nag-iingat nito ay ang mga nuno kung buhay pa ó kung dili ay isang taong mapagkakatiwalaan. Nguni't ani P. Aduarte ayon sa salaysay ni Rizal ay hindi na naghihiwalay ang magasawa kung may anak dahil sa paglingap sa anak.

Iba't ibang kapaslangan.

Ang sumira ng puri ng isang anak na dalaga ó asawa ng isang maginoo ay nilalapatan ng parusang kamatayan.

Ang mahuling mangaway ó mangkulang ay kamatayan din ang parusan inilalapat.

Nguni't kung humingi ng tawad ay pagkaalipin na lamang at kung may salapi ay maaaring magbayad ng isang gayon at huag maalipin, at kung gayon ay ibinibigay ang kalahati ng salapi sa ginawan ng masama at kalahati ay sa mga hukom.

Ang panunungyaw ay inaaring malaking sala lalonglalo na kung sa mayaman, sa matanda ó sa babae, at pinarurusahan ng isang gayong halaga ó kung dili ay pagkaalipin. At kung ang tinungayaw ay pangulo ó maginoo ay kamatayan ang parusang inilalapat, malibang patawarin na kung gayon ay pagkaalipin na lamang.

Ang tumingin ng walang galang sa pangulo at ibp. na gaya nito ay nilalapatan ng parusang pagkaalipin sa tanang buhay, nguni't di umano'y bihirang mangyari ito, dahil sa pinakakaingatang malabis ng mga kampon.

Kung sa gabi ay pumasok ang sino man sa bahay ng isang pangulo ó maginoo ng walang kapahintulutan ay nilalapatan ng parusang kamatayan, at karaniwa'y pinahihirapan muna, dahil sa baka sakaling ginagamit na tik-tik ng ibang pangulo; at kung sakaling matunayan na sugong tik-tik ay nilalapatan ng parusang pagkaalipin at sa nagsugo ay kamatayan, malibang magbayad ng isang gayong timbang na ginto.

Ang di lubhang malaking pagkakaali'an ó pagmumungkahian sa isang nayon ay matatanda na lamang ang pinagsasakdalan n̄ nagkaalit at siyang humahatol ayon sa patotoo n̄ m̄ga saksi at alinsunod sa minanang kaugalian sa kanilang m̄ga kanunuan (1). ang hatol naman n̄ matatandang ito ay lubhang pinakagagalang at ginaganap nila.

Pag---uutanġan.

Ang karaniwang palakad sa pag-uutanġan ay patubuan. kung ang ay may utang ay may tinatankilik na sasanlain ay inilalagak na sanla sa pinagkakautanġan ang kaláhati sampu n̄ pakinabang noon hangang hindi nakababayad n̄ utang. Kung walang ano mang tinatangkilik at sa katampatang panahon ay di makabayad ay nagiging alipin, at karaniwa'y sa tanang buhay dahil sa lakad n̄ tubo.

(1) Ito'y minagaling ni Rizal, dahil anya, tao rin sa kanikanyang umpok ang humahatol at sapagka't halal kapua n̄ nagkakasira ay sapat makabatid n̄ usap. n̄ ugali at lubhang mabuti kay sa hukom (n̄gayon) na humahatol n̄ usap na di niya talos, at sa m̄ga taong ang kilos, pangungugali at wika ay gayon din. Dito n̄ga, ani Rizal, ay napagkikilala ang pagkaurong natin sa pagkakaroon natin n̄gayon n̄ lubhang maraming kautusan at pasiyang kung ano-ano, hangang sa kung minsan ay kailanġang magsakdal sa kataastaasang hukuman kung sakaling di nasiyahan sa hatol n̄ hukon, at ang m̄ga usapin ay nagluluat n̄ di ano lamang na inaabot tuloy n̄ m̄ga anak, apo at pinagkakailanġanang paggugulan n̄ lubhang maraming salapi n̄ naapi upang magtaglay n̄ kaukulang hiatol.

Pagbabayad ng Paratang.

Ang karaniwang kahatulan sa mga usapin ay pagbayarin. Ang pagbabayad ay ganito; na ang kalahati ng bukid at ng tanang tinatangkilik ay napapa sa panginoon, na tuloy paglilingkuran niya samantalang siya at ang kanyang mga anak ay pakain at padamit. Kung sakaling hindi makabayad sa kaukulang panahon ay nangagiging alipin: at di umano'y kung sakaling makabayad man ang amá ay sinisingil ng panginoon pati ng ipinakain at ipinadamit sa mga anak, at kung walang maibayad ay nagiging alipin ang mga anak.

Kung ang nagkausaping nahatulang magbayad ay walang ibayad at ipagbayad ng isang kaibigan ay sa kaibigan nagbayad maglilingkod, datapua't hindi parang aliping sagigilir, kungdi parang aliping namamahay. Nguni't kung hindi maglingkod ng ganito ay ipalalagay sa kanyang patubuan.

Pagcaalipin.

Ang sino mang mabihag sa balangay na kaalit ay inaalipin.

Ang may utang na walang ikabayad ay inaalipin at di umano'y sa mga ganitong bagay ay

anák ang karaniwang napapasanla na tumutubos sa magulang.

Inaalipin din ang lumabag sa isang pangulo ó maginoo na gaya halimbawa ng magdaan sa silong ó bukirán nila, ó makasira ng ano mang pag-aari nila, ó makatapon kaya ng ano mang dumi kung nagdaraan sila ó magkasala ng ano man sa mga kabahay ng pangulo, at iba pa.

Ang mga anak ng talagang alipin na ay alipin din.

Ang mga anak ng amáng laya at ng inang alipin ay nagiging alipin ang ikalawa, ikapat, ikaanim at ibp, at kung may labis na isa ay magiging gaya ng sa bugtong na anak.

Mga di lubos na alipin.

Ang bugtong na anak ng isang magulang na alipin at isa'y laya ay kalahatí lamang ang pagkaalipin. Ang ganitong alipin ay naglilingkod ng salisihang buan sa makatuid baga'y isang buang ipinaglilingkod ang bahagi niyang laya. (1)

(1) Dito, ani Rizal, ay napagkikilala na ginaganap ang lubos na kaugaliang matuid sa mga pang'anoring malayo--pilipino, dahil sa isina sa isa't isa ang kaukulang matuid.

Katungkulang n̄g alipin.

Ang aliping namamahay ay nakapagbabahay n̄g sarili, n̄guni't kailan̄gang maglingkod sa kanyang panginoon sa panahon n̄g paghahasik at pag-aani sa bukiran, gumaod sa sasakyan kung may paroroonan, tumulong sa pagtatayo n̄g bahay at maglingkod sa bahay niya kung may panauhin.

Ang aliping sagigilir ay hindi nakabubukod n̄g bahay at may katungkulang gumawa n̄g ano mang ipagawa sa kanya n̄g panginoon sa tanáng buhay niya.

Ang kakalahati ang pagkaalipin ay naglilingkod n̄g salisihang buan. At sa buang ikinalalaya ay maaaring ipaghanap niya n̄g sa ganang kanyang sarili ó kung sa panginon din niya ay may matuid na maipakabig sa kanyang utang ang dapat niyang kitain sa panahon n̄g kanyang kalayaan na ipinaglilingkod niya. At ang halaga ay isinasan-ayon naman sa kanyang pagkaalipin kung namamahay ó kung sagigilir.

Ang tatlong ikapat na bahagi ang pagkaalipin ay tatlong araw na naglilingkod sa panginoon at isa'y sa kanyang sarili. Ang asawa nito ay naglilingkod din sa kanyang panginoon n̄g kapara niya.

Ang ikapat na bahagi lamang ang pagkaalipin ay naglilingkod na isang araw sa panginoon at tatlo'y sa kanyang sarili.

Ang aliping námana ng dalawa, tatlo ó limang magkakapatid ay naglilingkod sa bawat isa sa kanila ng ayon sa panahong pinagkasunduan nila na ipaglilingkod sa bawat isa sa kanila. At kung sakaling hindi lubos ang pagkaalipin ay pagbabayaran ang kanyang paglilingkod sa panahon ng kanyang kalayaan at ayon sa kanyang pagkaalipin.

Pagcalaya ng alipin.

Ang mga aliping *sagigilir* at *namamahay* ay nakaaalis sa pagkaalipin kung nagbabayad sa panginoon ng katampatang halagá.

Ang halaga ng salaping dapat ibayad ng *aliping sagigilir* upang maging *aliping namamahay* ay limang putol na ginto ó higit pa, at saká ang kalahati ng boong hiyas at pag-aaring tintangkilik, at kung sakaling may lumabis na isang paliyok ó bangá sa paghahati ay binabasag, at kung kumot ay hinahapak sa gitna; at upang lubos na mawala sa pagkaalipin at maging *timawa* ó *maharlika* ay kailangang magbayad ng sampung putol na ginto ó higit pa.

Ang paraan ng pagbabayad ay nag-aanyaya ng mga tao ang alipin at sa harap ng panginoon at ng mga kaibigan ay ginagawa ang pagbabayaran at iba pang kailangan.

Di umano'y karaniwan ding ugali ng mga Tagalog na sa oras ng kamatayan ay pinapagiging laya ng panginoon ang mga anak ng mga alipin na ipinanganak sa kanyang bahay.

At gayon din na kung ang sino mang laya ay magkaanak sa kanyang aliping babae ay pinapagiging laya ang anak sampu ng alipin, na dili iba't siyang inugali ni Abraham kay Agar at kay Ismael.



Ikapitong Pangkat.

Wikà

Dito sa Pilipinas na gaya rin sa lahat ng lupain ay may maraming wika, palibhasa't "ang bilang ng pagkakapangkatpangkat ng wika sa isang lupain" anang isang manunulat, "ay naaayon sa pagkakahagdanghagdan ng katalinuan ng bayánbayán." Nguni't halos lahat ng wika rito, maliban sa wikang *ita* ay kagyat na wikang *malayo*, at ayon sa sapantaha ng halos lahat ng mananalaysay ay pawang suplíng ang lahat na ito sa isang matandang wika.

Ito'y lubos na mapaniniwalaan at may mga aklat at pangyayaring nagpapatotoo nito. Halimbawa sa aklat ni Padre Concepcion ay may nasasaysay, na "noong unang pumarito ang mga kastila ay nagsipagsama ng isang tagapagpaaninaw (ó interprete) na malayo at nákaunawaan ng mga tagarito." Ayon kay Padre Colin naman ay "may isang taga Kapangpangan na nakarating sa Sumatra (isang lupaing malaya) at sumapit sa isang dako na kanyang kinaringan ng kanyang sariling wika at siya'y nakisagot na parang siya'y ipinanganak sa dakong yaon, anopa't tuloy sinabi sa kanya ng isang matanda na kayo'y mga

inapó ng mga nagsialis dito noong unang dako na nangamayan sa ibang lupain at di na namin nangabalitaan» (basahin ang Pinangalingan ng Lahing Pilipino). At ako noong taong 1902 na naglalakbay na patungo sa Melbourne ay naki-pag-usap akong maminsanminsang sa mga grumoteng malayo sa bapor at madalas na kami ay nagkakaunawaan sa kanilang wikang malayo at sa aking wikang tagalog na gaya rin ng pagka-kaunawaan ng mga portugés, kastila't italiano sa kanikanyang wika.

Datapua't sa mga wikang pilipino ay ang tagalog at bisaya ang mga pinakamalaganap. Ang dalawang ito ay masasabing magkapatid na wika sapagka't ang karamihan ng salita ay magkapara at ang kaibahan ng ibang mga salita ay nasa dulo lamang, na pagka in sa tagalog ay *un* sa bisaya, gaya ng *sulatin* ay *sulatun*, *kanin* ay *kanun*, *patayin* ay *patayun*. At sa dalawa pang ito ay ang wikang tagalog ang siyang lubhang kilala na ani Baron Willam von Humbold ay "siyang pinakamayaman at pinakadalisa'y sa lahat ng wikang *malayo polinesia*", at ani P. Chirino naman ay "ang luhang nakalugod at nakahalina sa akin ay ang wikang tagalog. At siya ko ngang sabi sa unang arzobispo at sa ibang matalinong tao na nalalaman sa wikang tagalog ang mga kainaman ng apat na pinakapangulong wika dito sa sandaigdig na dili iba't ang hebreo, griego, latin at kastila sa hebreo

ay ang mga kababalaghan at mga malalalim na kahulugan; sa griego ay ang mga artikulo at ang dali ng pagbangit ng ano mang ngalan, sa latin ay ang kayabunga't karikitan; at sa kastila ay ang pagkamagalang, pagkamapagpitagan at pagkamapagbigay—loob.“ Siyang totoó sapagka't ang wikang tagalog ay isang wikang naipagbabadya ng tanang soloobin at damdaming sumasapuso't isip ng tao. Nariyan ang ating mga awit, dalit, salawikain; ang ating mga padalahan, novena't dasalan; ang ating komedia, dupluhan, panawagan at bugtungan; ang ating kundiman at kumintang; ang ating mga palabas-dulaan, mga aklat, manga pahayagan at iba't iba pang nagtatanghal ng kayamanan ng tingig ng wikang tagalog. Gayon din ang pagtula na sa wikang tagalog ay katutubo at lubhang mayamang gaya ng wikang árabe, at malinaw nating namamalas sa mga awit, salawikain at babasahin ang gawi't sadyang pananalitang tagalog na patula. Sa tulang tagalog nga ay mapuno puno ngayon ng mga korrido ó awit ang ating mga tindahan ng aklat. At sa tulang tagalog ay sumilang ang mga bantog na sina Francisco Baltazar G, Pilapil, at ibp.

Datapua't ang wikang tagalog, бага man mayaman at sagana sa tingig ay haluan din na gaya ng inglés at iba't ibang wika, palibhasa't galing sa kamalayahan, saka nakapamayanan ng mga tagá iba't ibang lupa: ano pa nga't sa wikang tagalog

(sampu sa ibang mangá wika rito) ay may naha-halaw na mangá salitang árabe, gaya ng *utak, alak, paningkayad, lahi, taksil, libo, lasap, sipat, surat, luhod, salamat, salawal, hukom, hiya, asawa* at ibp; may mangá salita ring sanscrito, gaya ng *kastuli, halaga, kalapati, kuta, pana, sinta, kasubha, tinga, tumbaga, laksa, yuta* at ani Dr. Pardo de Tavera ay lahat ng salitang may kahulugang katalinuan, kabaitan, damdamin, pamahiin, pangalan ng mga dios, ng mga tala, ng bilang na may kataasan, ng mga halaman, ng digma sampu ng mga bagaybagay at hanga nito at katapustapusan ay ang mga pangalan ng mga titik ng kama-hala't pagkamagino, ang panglan ng ibang mga hayop, ng mga kasangkapang pangawa at ang pangalan ng mga salapi. Ano pa nga't ayon dito'y ating mapagbubulay na doon pa sa Malaya ay hiniram na ng mga tagarito sa mga taga India ang mga salitang iyan at marahil ay noong panahong ang kapangyarihan ng India ay lumalaganap sa kamalayahan na siyang pinagbuhatan ng mga tagarito.

Bukod sa mga salitang hiram sa árabe at sa sanscrito ay may hiram rin sa mga insik, gaya ng *susi, impo, chaa, pisaw, tinsan, sotanhon, mike, misua, pansit, bulang-lang, bihon, mangkok, sulaw*, at ibang mga salitang kalakal-insik.

Gayon din ang kastila, na sapagka't namuno ritong malaong panahon ay nakapaghalo rin ng

mga salitang tungkol sa pananampalataya, sa karunungan, sa kasangkapan at sa pagkain at ibapa. gaya ng *Dios, Espiritu, Santo, Virgen, manzanas, sapatos, kabayo, kumpisal, baso, misa, piso, tabako, parè, cura, pamalo, biguela, karwahe, tranvia, mantika*, at iba pa.

Sa mga lupaing *malaya* ay di natin masabing may hiram sapagka't ang mga tagarito ay malaya rin, at ito'y malinaw nating natutunayan sa pagkakahawig ng mga salita sa mga salita ng lahat ng wikang malaya, (1) gaya ng mga wika sa Java, Sasak, Makassar, Bugis, Bouton, Salayer, Tomere, Tomohon, Langowan, Ratahian, Belang, Tamawanko, Kema, Bantek, Menado, Bolang-Itam, Sanguir, Salibabo, Sula, Kaheli, Wayapo, Massaratty, Amblaw, Ternate, Tidore, Kaioa, Batchian, Gani, Sahoe, Galela, Liang, Morella, Batu-merah, Lariki, Saparua, Awaiya, Kamarian, Teluti, Ahtiago, Gah, Wahai, Goram, Matabello, Teor, Ke, Aru, Mysol, Dorey, Teto, Baikeno, Brissi, Sabu, Rotty Allor, Solor, Bajaw, at iba pa.

(1) Basahin ang kay Alfred Russel Wallace na "The Malay Archipelago"

Ikawalong Pangkat.

Pagbasa't Pagsulat.

Tungkol dito sa pagbasa't pagsulat, ayon sa mga mananalaysay, ay pawang marunong bumasa't sumulat ang mga lalaki't babae rito.

Ang hitsura ng surat ay surat-maláyo at di umano'y hanĝo sa surat ng mga taga Arabia.

Ang sa tagalog ay may labing apat na konsonante na gaya ng sa Árabe at ng wikang pahlabi ng mga Persa noong Edad media; ang sa Pangasinan, Ilokanó at Bisaya ay tiglalabing dalawa, at ang sa Kapangpangan ay lálabing isa; nguni't ang paraa't ayos ay magkakaisa, gaya ng makikita sa sumusunod:

Sa Tagalog.















Ang mga bokal ay tatatlo lamang na gaya rin ng sa árabe dahil sa ang *e* at *i* ay iisa at gayon din ang *o* at *u*.

a




e, i

o, u


Ang mga konsonante ay labing apat at kasama na ng bawat isa ang bokal. Ang bokal namang kasama ay nakikilala ayon sa tudlit na gaya rin ng sa mga arabe. Paga walang tudlit ay *a* ang tinig, hlb.


| | | | | | |
|---|--|--|---|--|---|
|  |  |  |  |  |  |
| ba | ka | da | ga | nga | ha |
|  |  |  |  |  |  |
| la | ma | na | pa | sa | wa |
| |  |  | | | |
| | ya | ta | | | |

Paga may tudlit sa itaas ay *e ó i* ang tinig, hlb.





| | | |
|---|---|---|
|  |  |  |
| be ó bi | ke ó ki | de ó di |

Paga may tudlit sa ibaba ay *o ó u* ang tinig, hlb.

| | | |
|---|---|---|
|  |  |  |
| bo ó bu | ko ó ku | do ó du |

Kaya't cung ang isusulat ay bata ay, 
ba

 ; kung bató ay   ; cung butó, ay
ta

  ; cung bati ay   at iba pa.















Ang ayos ng lahat ay ganito rin.

Ang may tudlit sa itaas ay *e ó i* ang tiníg at
ang may tudlit sa ibaba ay *o ó u* na gaya rin ng
sa Tagalog.

Sa Bulakan at Tundó. Ang sa Bulacan at
Tundó ay may caonting caibahan sa Tagalog at
itong sumusunod:

Mga bokal:   
a e ó i o ó u

Mga konsonante:

| | | | | | | |
|---|---|---|---|---|---|---|
|  |  |  |  |  |  |  |
| ba | ka | da | ga | ha | la | ma |
|  |  |  |  |  |  |  |
| na | nga | pa | sa | ta | wa | ya |

Sa Kapangpangan.

Ito naman ang sa Kapangpangan.
Mga bokal.

  
a e ó i o ó u

Mga consonante.





















Sa Pangasinan.





Ang sa mga taga Pangasinan ay ito naman
Mga bokal:





Mga konsonante:









Ilokano.





Ang sumusunod naman ang sa Ilocano.
Mga bokal:








Mga konsonante:

| | | | | | | | |
|---|---|---|---|---|---|---|---|
|  |  |  |  |  |  |  |  |
| ba | ka | da | ga | la | ma | na | ng |








| | | | |
|---|---|---|--|
|  |  |  |  |
| pa | sa | ta | ya |






Sa Bisaya.

Ito naman ang sa Bisaya.
Mga bokal.

| | | |
|--|--|---|
|  |  |  |
| a | e ó i | o ó u |

Mga konsonante.

| | | | | | | |
|---|---|---|---|---|---|---|
|  |  |  |  |  |  |  |
| ba | ka | da | ga | ha | la | ma |

| | | | | |
|---|---|---|---|---|
|  |  |  |  |  |
| na | pa | sa | ta | ya |

Ang ayos nga ng lahat ay parapara na ang may tudlít sa itaas ay e ó i ang tinig, at ang may tudlít sa ibaba ay o ó u

Ito ang ayos ng pagsulat ng mga tagarito at sa ganito'y nagecacaunawaan at agad nailalakip

nḡ bumabasa ang letrang kulang at di umano'y nilalakipan din nḡ mḡa tanda na gaya halimbawa nḡ || na aní Mass ay inaaring m, n, t at ibp.; ano pa't gaya rin nḡ wicang *pahlabi* ó *pehlebi* nḡ mḡa persa noon Edad media.

Ang paraan naman nḡ pagsulat nḡ tagarito ay minumulan sa itaas na paibaba at pinasisimulan ang hanay sa dacong kaliwa at niwawakasan sa dacong kanan, na kaiba sa mḡa insik at mḡa hapón na minumulan sa kanan at niwawakasan sa caliwa. (1).

Ang karaniwang sulatán ay kawayan ó mḡa dahon nḡ halaman na siya ring inugali nḡ mḡa taga ibang lupain nḡ di pa natutuclasan ang paggawa nḡ papel at ang panulat na ginagamit ay matulis na bakal ó patpat at di umano'y tinatawag na *sipol*. Ang mḡa susulatín naman ay ang canilang mḡa tula at awit na siya nilang gawí-ó kung dili ay ginagamit sa pagtatala nḡ bilang nḡ canilang mḡa hayop at mḡa kalakal at gayon din sa pagsulat nḡ liham.

(1) Tungkol dito sa ayos nḡ pagsulat nḡ mḡa tagarito ay pinagkaroonan nḡ iba't ibang isipan nḡ mḡa mananalaysay. Ani Marche ay pahalang, ani Jambaulo na nakikita mandin nḡ kasulatan dito na malaong panahon bago ipinanganak ang Panginoóng Jesu-Kristo ay gaya rin nḡ sabi ni Chirino na paibabang mula sa itaas, at ang sabi naman nina Colin at Esguerra ay patiwali sa nabangit, dahil sa anila'y paitaas na mula sa ibaba at ang pahalang ay inugali na lamang nḡ dumating ang mḡa taga España.

Ang paraang ito ng pagsulat ng mga tagarito ay agad napawi ng masacop na ng mga castila, at noong taong 1705, ani Padre Totanes, ay totoó ng mahirap macasumpong ng tagaritong nacasusulat ng gayon; nguni't ani Dr. Borrows ay gumagamit pa hangang ngayon ang mga Tagbanua sa Paragua ng gayong pagsulat.



Icasiam na pangcat.

Asal at gawi

“Ang mga tagarito”; ani P. Chirino. “ay hindi gaya ng mga insic at hapón na mapagsikotsikot sa canilang pagbati, gayon man ay may sariling bait at asal. Lalong lalo na ang mga tagalog na sa salita at sa gawa ay mga magalang at mapagbigay loob. Nagsigaya sa atin (sa kanila na mga kastila) ng pagbati na nag-aalis ng putong na isang toalla ó diadema. Ugali rin na di tumatayo sa harap ng mga taong canilang iginalang, kungdi nauupo sa lupa ng di lubhang sayad na nag-aalis ng takip sa ulo at ipinapatong ang putong sa kaliwang balikat saka nakikipag-usap sa nakatataas sa kanila. Ang pag-galang na inuugali sa pagpasok ó sa pagcacasalubong ay ang magpakayukod at iunat ang isa ó dalawang kamay sa mukha: iduop sa mga pisngi, at saka maupo ó maghintay kayang tanungin ng ibig; inaaring masama ang magsalita, kung hindi tinatanong.....”

Sayang at di nasiyasat ni P. Chirino ang dahil ng mga ganitong galaw, na marahil ay may catuturan. Sa India ay may isang bayan na cung magbatian ang mga tao ay tumitigil muna saca,

idinuduop ang camay sa tapat ng pusò (na tahanan ng damdamin), itinutuloy sa noo (na tahanan ng isip) at itinitigil sa bibig (na tahanan ng salita),—na ang ibig sabihin ay bago co salitain ang aking na sa *loob* ay akin munang *isipin* saca co bubukhin sa *bibig*; at di malayong ang gayong pag-galang ng mga tagarito ay may cahulugan ding gaya naman ng sa mga taga Indiang yaon.

Di nga caila na sa asal nakikintal ang pagcatao ng tanang kinapal,—at ang bayang pilipino,—cung bagá ma't di siyang pinacasacdal ay di naman siyang pinacahamac. Márahil ay walang gasinong carunungan datapua't paraparang may sacdal na damdamin,—mapagpatuloy sa walang matuluyan, mapagbiyaya sa mahirap, at ito'y namamalas natin mula sa cayamanyamanan hangang sa carukharukhaan. Sa caibigan ay idinadamay ang buhay at sa isang pakitang loob ay iginaganti ang yaman.

Sa mga gawain ay gayon din, at ani Morga'y: “ang mga tagarito ay may mabubuting licás sa anomang hipuin, malilici't matatalino, bagá man maiinitin.”

At sa paghahanap buhay ay di rin maliligtaan nino man ang cay Morgang salaysay na anya'y: “Ang gawa't hanap buhay ng mga tagarito (na babae) ay manahi ng sarisari; gumawa ng saya, humabi ng sinulid, at magayos ng bahay ng canicanyang asawa't magulang, magbayó ng palay

na bibigasin, at maghanda ng bala na, mag-alaga ng manoc at baboy at mangasiwa ng bala na sa bahay, samantalang ang mga lalaki naman, ay siyang sa pagbubukid, sa palaisdaan, sa pagdadagat at pangangaso." Ano pa't dito sa licás ng canilang pamumuhay ay malinaw na natatanghal ang matuid na gampaning isinatao ng Maycapal, na ang magaang gawa ay sa babae sapagca't mahina at ang mabigat ay sa lalaki sapagca't malacas.

Sa acalá co, sa hangang dito ay sapat ng makilala ang asal ng tagarito sa canilang kilos at galaw, nguni't hindi lamang ito. Sa wica man ay namamalas rin ang asal, palibhasa't siyang calulua ng bayan: at sa *wicang tagalog* hangang ngayo'y nababacas pa sa mga batian ang tawag na *Ale*, mang ó mama (amain) Ginoó at iba pa na nagpapakilala ng pagecamagalang; at gayon din ang tawag na *ka gaya ng ka Maneng ka Biang* at iba pa na nagpapakilala ng pagecacapatiran.

Sa catagang sabi nga ay di asal gubat na gaya ng sabi ng ibang mananalaysay, cungi isang ugaling mahal na tangkilikin ng alin mang lupaing may inimoc na bait.



Icasampung Pangcat.

Pagkakalakalan.

Ang pagkakalakalan dito na noon pang una'y laganap na bago natuklasan ito ng mga taga Europa ay isa sa mga pinakamahalagang bahagi ng kasaysayan ng Pilipinas.

Kapagkaraka nga, di umano, ay may mga sadya ng pamiliha't tiyangihan ang mga bayan-bayan at balabalangay, lalong lalo na rito sa Kalusonan at Kabisayaan, ang mga karaniwang kalakal ay bigás, palay, isda, kayo, almas, mga bunga ng kahoy, hiyas at iba't iba pang mga kakainin kasangkapan at mga kagamitan sa lupaing ito.

Ngunit bukod sa mga pagkakalakalang ito ng mga tagarito ay may pakikipagkalakalan rin sa mga kalapit lupain, lalong lalo na sa mga taga Malaya na nagsisidayo rito: kaya't ng dumating rito sina Legaspi ay may isang sasakyan ng mga morong malayo na totoo nilang nakalaban sa pulo ng Bohol, at anang mga nabihag (na mga morong malayo) ay pangangalakal ang kanilang ipinarito. At sa Cebu man ay may nakatagpo rin ang mga kastila na sasakyang mula sa Siam na doo'y nakikipagkalakalan.

Sa China at Hapón ay di mapag-aalinlangan na ang mga tagarito ay may pakikipagkalakalan kapagkaraka dahil sa mga kasangkapang insik na dito'y nangasumpungan noong una, saka maraming katunayan na sa atin ay nagpapatotoo, gaya ng sulat ni Legaspi kay Felipe II sa España, na anyay: "Sa dako pa roon niring aming kinatitigilan ay may malalaking pulò na pinanganganlang Luzón, at Vindoro; na pinaparonan taon-taon ng mga insic at mga hapón, upang mangalakal. Ang kanilang dala'y seda, lana, porselana, pabango, tansò, lata, mga káyong babarahin na may eulay at iba pa. Sa pagbalic ay nagsisipag-uwi sila ng gintò, at pagkit. Ang mga tao sa dalawang pulong ito ay mga moro at pagcabili ng mga calacal ng mga insic at mga hapón ay kinacalacal naman sa iba't ibang pulò.

"Gayon din ang isang aklat ng mga insic tungcol sa pagcacalacalan na sinulat ni Chau-lucua ó Chau Ju-cua na sa pagbangit ng tungcol sa mga lupaing ito ay sinaysay na:

"Pagca ang mga sasacyan ng mangangalacal (na insic) ay dumarating sa doongang ito (dito sa Pilipinas) ay dumodoong sa isang dacong lual na inaaring tiangihan, at doon nangangalacal ng mga calacal ng lupain. Pagcadoong ng sasacyan ay inaalayan ng capitan ang mga mandarin ng mga puting payong. Ito naman ay ginaganti ng mga mangangalacal upang

silat'y pagpakitaan ng mabuting-loob ng ginong ito. Ang mga calacal ng lupaing ay pagkit na dilaw, sinulid, perlas, susô, (ó sigay marahil). mga bunga ng cahoy at cáyong yuta (na marahil ay sinamay ó huse ó pinya). ang calacal ng mga insic ay porcelana, ginto, tinga mga basong sarisaring culay, cawaling bacal at mga carayom."

Ang paraan namam di umano, ng pangangalacal ng mga insic dito, anáng ibang mga mananalaysay ay tinatambol ang canilang *gongs* pagdating upáng malaman ng mga tagarito na may sasacyan ng calacal na dumating at agad naman sumasalubong ang mga tagarito na sumasacay sa canilang mga munting banga.

Bucod sa pangabangit na lupaing ay pangalacal rin dito marahil ang mga taga iba't ibang lupain sa Asia, sapagea't noong siglong ica labing pito, ani P. Delgado, ay nakikipagcalacalan rito ang mga tagá Malabar, taga Koromandel, taga Bengala, taga Kamodhe, at marami pa.

Balikan co uli ang mga calacal ay di dapat ligtaan ang calacal na alipin na di umano'y dito napagkikilala ang yaman ng mga tagarito na gaya rin marahil noong panahon nina Abraham, na ang may pinacamaraming alipin ay siyang pinacamayaman. Ang pinacamalaking pamilihan sa calacal na ito ayon sa mga casaysayan ay sa Butuan, (Mindanaw,) na doon nagdadala ang mga

tagá Borneo, at taga iba't ibang lupaing calapit upang magbilí, hangang sa nagecamurang totoo, na noong 1573 ay ipinagbili rito sa Maynila, ng anim na piso't cahati lamang ang isá. At maraming sasacyan dito sa Luzón, anáng isang mananalaysay, ay dunadayo sa Butuan, upáng mamili, sapagca't bucod nga sa mga bihag ng mga moro roon na ipinagbibili ay nagbibili rin, di umano, pati mga insic at hapón ng mga galing namán sa canicanilang lupain.

Gayon din ang calacal na sigay na isa sa mga calacal na dinadayo rito ng mga taga Siam, taga Kamboche at mga taga iba pang lupain dahil sa siyang pinacasalapi sa canicanilang lupain.

Bagay naman sa mga mahalagang bató rito na ang iba'y kinacalacal ng mga tagarito ay di co na bangitin dahil sa nangangailangan ng tootong mahabang salaysay sa cayamanan ng lupaing ito sa mga mahalagang bató.

Tungcol sa pagbabayaran ay hindi gumagamit ng salapi, cung di gintong durog ang itinitimbang na tootong macapal sa lupaing ito anang mga mananalaysay. Ang pangalan ng mga panimbang, ani Dr. Pardo de Tavera, ay pangalang insic gaya ng *tael* ó *tae* na nababahagi ng dalawang *tinga* at isang *tinga* ay may isang *sapaha* at isang *sapaha* ay pitong *sema* at ang caliitliitan, di umano, ay ang *sangasahe*; nguni't sa pagtimbang ng mga calacal ay gumagamit ng *pikul*.

At sa pagsucat ay dangeal, sico at dipa ang inuugali. Sinasapantaha rin ni Dr. P. de Tavera na dito'y nagecaroon ng mga salaping galing sa India, dahil sa tawag na *salapi* na pangalan ng salapi sa India.



Ikalabing isang Pangcat.

Sasakyang-tubig.

Ang mga tagarito ay gaya rin ng hapón at ibp. na nagkaroon ng kanilang mga sasakyan-tubig na ayon sa kanilang katha. Kung paano at saan nila pinag-aralang gawin ay di natin batid, bagá man sa akala ko'y sa kamalalyahan. Ang mga sasakyang ito ay siya nilang ginamit sa pamamalakaya ng isda sa pagtawid-tawid at pagkakalakalan at gayon din sa pakikidigma,

Tungkol sa mga sasakyang ito, ani Morga, ay sarisaring hitsura. Ang iba'y mga bankáng lulanán ng kanilang mga kalakal na mga isinasadsad eung gabi sa mga pasigan at baybayin, at ang iba sa mga ito ay malakílalakí na iisahing layag at taganás na tablang pinapagduopduop. Ang mga ito ang canilang ginagamit sa mga ilog at bangbang na nangalolob sa lupain. Nagsisigamit din ng mga balangay na malalaking sasacyan at matutuling patacbuhin maging sa unahan at maging sa hulihan at nacapaglululan ng maraming mangagaod sa magcabicabilang panig at napatutulin ng tulong ng saguan, pangaoat at tikin habang tinitimbangan

nḡ iba sa magecabilang panig na tuloy tinutugmaan nilang lahat nḡ mḡa awit (1) na siya nilang pinagecaunawaan cung patatacbuhin nḡ matulin ó nḡ marahan. Sa ibabaw nito ay may isang lapag na nacatatakíp sa mḡa mangagaod. Ang lapag na ito ay matibay na nalalacaran nḡ mḡa taong pangdigma at nilululanan nḡ ayon sa caya nḡ sasacyan. Sa lapag na ito naglalahay nḡ layag na pinapagtítibay sa dalawang cahoy ó cung may calac-han ang sasacyan ay pinapagtatatlo ang cahoy ó cawayan at ang namamahala naman sa tungo nḡ takbo nḡ sasakyan ay sa hulihan lumalagay. Bukod dito'y may hinubugang balangkas na may atíp na pawíd at siyang ginagamit na pinakakarang kung umuulan ó sumisikat ang araw: anó pa,t, pawang nasisilong ang tanáng lulan. Ang magkabilang panig nḡ sasakyan ay may katig na malalaking kawayan na duopduop ná bagá ma,t, sumasayad sa tubig ay dí nakababagal sa takbo at ito'y siyang tumitimbang na mabuti sa sasakyan at nakahahadlang tuloy sa pagkataob kung sakaling napúpunô nḡ tubig. Ngunit may lalo páng malalaki na nakapaglululan nḡ isang daang mangagod sa bawa't

(1) Ani Colín ay mḡa awit na kanilang isinasaulo at itinutugma na kanilang paggaod sa mḡa sasakyan, at binabangit sa kanilang mḡa pistaha't sayawan at sa lahat nḡ gawaing pinagtutulungan. Ang binabangit, di umano, sa mḡa pag-awit ay ang mḡa kagilagilalas na pamumuhay nḡ kanilang mḡa Dios.

panig at sa ibabaw ay tatlong pung sundalong pandigma (1)

Sa m̃ga tagarito naman, dí umano, ay mara-
ming marunong tumabas at gumawa ñg m̃ga
sasakyang-tubig, na lalong lalo na sa Katandua-
nes na aní Morga ay magagaling na mangagawa
ang m̃ga tagaroon na nañgakagágawa ñg malala-
ki, matutulin na ipinagbibili nila sa m̃ga kala-
pit pulo. At saká dí umano'y nañgakagágawa
rin ñg m̃ga huegong sašampuin at lalabing dala-
wahin na pinapagsususionsuson at pawang buong
puno na pinag-ukáan lamang saka pinapahiran
ñg alkitran.



(1) Ang m̃ga tagarito, ani Rizal, na dí lubhang alañgan sa m̃ga taga Marianas tungkol sa pagdadagat ay dí lamang dí nasu-
long, kungdí naurong pa sa katalinuang ito, at kung бага man anya't
ñgayo'y nakagágawa rito, ñg m̃ga sasakyang-tubig ay halos pawang
kaanyó na ñg sa m̃ga taga Europa. At yaong m̃ga sasakyang naka-
paglululan ñg isang daang mangagaod at tatlong pung sundalong
pandigma ay naparam na; at ang m̃ga lupaing ito na noong unang
dako ay nakagágawa ñg m̃ga sasakyang halos 2000 tonelada ay na-
ñgañgailañgan na ñgayong sa m̃ga kalapit lupain magpagawa na
gaya sa Hong-Kong upáng doon ibigay ang salaping kinukuha rito
sa m̃ga mahirap.

Ikalabing dalawang pangkat.

Almás

Ang mga almás na ginagamit ng mga tagarito, anáng mga unang nakakita ay pana't bosóg, sibat, sungdang, sandata'ó kris, talibong, kampilan, baluti na sungay ng kalabaw na di umano'y sa Siam nangagaling at iba't iba pa na hangang ngayo'y ginagamit ng mga moro at ng mga taong gubat. Nagsisigamit din ng sarisaring kalasag at ng mga damit na cuero at iba pa na sa labanan ay makasasangalang sa kanilang katawan.

Bukod dito'y nagsigamit ng almás na nakapagpapahilagpos ng maraming sibat, ng mga lantaka ó mga munting kanyón: kaya ng dumating rito di umano, ang mga kastila ay nangakasumpong dito sa Maynila, Kainta, Taytay at Lubang ng mga kuta na may mga lantaka ó munting kanyon.

At dito sa Maynila, anáng ibang mga mananalaysay ay nagkaroon ng pagawaan ng kanyón at ng pabubuan ng pulburá, na di umano'y wari nasa pangangasiwa ng isang portugés at ng isang tagarito na nagnangalang Panday Pira.

Sa Kabisayaan ay wari gumamit din ng mga almás na ito, dahil sa isang sulat ni Legaspi sa hari tungkol sa mga morong natuklasan sa Panay, na anyáy: “Itong mga huli ay may mga artillería (ó pagawaan at pabubuan ng kanyón, baril at pulburá) na sila rin ang bumububô at gumágawa pati ng mga pulburá at ng iba’t ibang almás” saka niya sinundang “Ipinadadala ko po sa iyo iring dalawang almás na tanso na yari ng mga moro sa lupaing ito upáng paniwalaan pó ng iyong kamahalan ang katalinuan nila sa paggawa at pagbububô ng mga canyón.

Ani J. P. Sanger at ng mga kilalang mananalaysay ngayon ay sa mga insic at mga moro marahil nangatuto nito.



Ikalabingtatlong Pangkat.

Dating ugali tungcol sa Pag-aasawa.

Lahat ng lupain ay may canicanyang caugalian sa pag-aasawa, at ang Pilipinas, palibhasa'y isang lupain, ay may sarili ring caugalian tungcol sa bagay na ito.

Sang-ayon sa ugaling ito cung nag-aasawa ang sinoman ay pinagsisicapan na ang maging asawa ay caangean at cabalangay, maliban sa lubhang malapit na camag-anac na ibinabawal.

Ang sino man ay hindi nacapag aasawa ng hihigit sa isa, at cung sacaling may ibang kinacasama, ay pinanganganlang *sandil*; datapwa't sa Bisaya, palibhasa'y malapit sa Mindanaw, ay inuugali ng iba ang asal ng camorohan na nag-aasawa ng dalawa ó tatlo, bucod pa sa mga kinacasama.

Sa pag-aasawa naman ay kinautugalian na ang maginoo ay sa kapwa maginoo, ang timawa ay sa kapwa timawa at ang alipin ay sa kapwa alipin; nguni't naghahalo-halo rin kung ninsan, ano pa't mabuti (ani Rizal) kay sa dating ugali sa Roma at sa ibang lupain sa Kanluran ó Europa na ang may mababang uri ay hindi na

naaaring makapag-asawa ó makalakip sa may mahal na uri.

Bago ipagdiwan ang pag-aasawa ay pinagkakayarian muna ang ipagkakaloob na *bigay-kaya* (dote) na sa Bisaya ay *bugey*.

Ang nagbibigay ng *bigay-kaya* (1) ó *bugey* ay ang lalaki, (2) na hindi gaya sa Europa na babaeng ang nanunungkol nito (3).

(1) Ang *bigay-kayang* ito, ay sinapantaha ng mga ibang manunulat na pagbili sa babae; nguni't sa akala ko ay dahil sa di nila pagkabatid ng kahulugan ng salitang ito na dili iba't kaloob ó handog na ayon sa abot ng nagdudulot at hindi bayad: kaya't kay Rizal, ang asawang tagalog ay hindi babaeng insik ó aliping mahometana na nabibili sa magulang ó sa *bazar* upang pagtamuhang lugod ng asawa ó ng panginoon; at hindi rin babaeng taga Europa na sa pag-aasawa ay nawawala ang pangalan, (kundi ang asawang tagalog ay malaya at pinakukundanganan, siyang sinasangunian ng lalaki sa ibang gagawin: siya ring tagapag-ingat ng salapi at siyang nangangasiwa sa mga anak na ang kalahati ay kanya ano pa nga't ang bigay kayang ito ay hindi bayad, (ani Rizal) kungdi isang alaala sa pagod at puyat na ginugol ng magulang sa pagpapalaki sa kanya.

(2) Lalong mabuti, ani Rizal, na lalaki ang manungkol ng pagkakaloob ng *bigay-kaya* kay sa babae, dahil na sa ganitong paraan, ay hindi nagkakalalayo ang magmamagulang, samantalap sa Europa, kung magkaasawa ang lalaki ng mayaman at magkasalapi ay nagkakalalayo na.

(3) Matwid, ani Rizal, na ang babae ang pagkalooban ng *bigay-kaya* (dote), sapagka't ang babaeng pilipina ay hindi isang pasan maging sa asawa at maging sa magulang, kundi tulong, at sa ganito'y kailangang alalahanin ng ano mang kayang kaloob ang kanyang nilisang magulang sa pagkahiwalay niya. At ang gayon pa mang magulang na ng babae ang tumatangap ng *bigay-kaya* at hindi siyang nagkakaloob, ay namamalas pa rin ang malabis na kapanglawan, na kaiba sa Europa na wari ipinagmamadalian ng magulang na ihiwalay ang anak na dalaga hangang sa lumalabas na katuwan hitsura kung minsan ang ina.

Bukod dito, ani Rizal din, kung nag-aasawa ang lalaki ay hindi nagtataglay ng mabigat na pasan sa pag-aasawa, kundi bagkus nakakasumpong ng kasama't katulong sa pag-aayos ng kanyang pamumuhay kaya't ang babaeng pilipina ay hindi namamalakaya ng asawa, kundi punipili ng kanyang ibig.

Pagkatapos na pagkayarian ang *bigay-kaya* ó *bugey* ay ipinagdidiwan ang pag-aasawa. Ang pagdidiwan namang ito ay naaayon sa kalagayan ng magaasawa.

Ang maginoo kung ibig mag-asawa sa kauri ay nagpapasugo ng mga maharlika ó timawa upang siyang lumakad ng pag-aasawa niya. Bago yumaon ang mga ito ay nagdadala ng isang sibat, sibat ng maginoong mag-aasawa, at pagdating sa bahay ng magulang ng kakaisahing-dib-dib, ay isinasaksak ang sibat sa hagdanan na nilalakipan ng pagdalangin sa kanilang mga diyos at mga kanunuan upang sila'y kalingai't pagpalain sa kanilang pakay. Pagkatapos ng pagkaka-sunduan ay ginaganap ang pagkakaloob ng *bigay-kaya* na ang karaniwang halaga ay isang daang putol na ginto na maaaring palitan ng mga alipin ó mga hiyas. Kung magkagayo'y sumasama ang babae sa pagparoon sa bahay ng kanyang bibiyanin na pasan ng isang lalaki at pagdating sa hagdanan ng bahay ng magiging asawa, ay nagpapakunwari munang ayaw pumanhik, at sa ganito'y sinasalubong ng biyanan at pinangangakuan na pagkakalooban ng isang alipin; kung makapanhik na, ay nagpapakunwauli ng hindi pagtuloy agad, hangang sa di muna pangakuan ng panibago, at gayon din sa pagpapakain at pagpapainom. Pagkatapos ng mga pagpapakunwang ito at pag nagkatabi na ang

lalaki at ang babae, ay tumatayo ang isang matanda at sumisigaw na tumahimik ang lahat, saka sinasabing: *Si Gat Maitan ay nakikipag-isang-dib-dib kay Dayang Matí; nguni't kung kanyang pababayaan at hindi niya kakalingain, ay iiwan siya at di sasawili sa kanya ang "bigay-kaya". at si Dayang Matí ay mag-aasawa sa iba. Datapwa't kung si Dayang Matí naman ay masamang asal ay babawiin sa kanya ni Gat Maitan ang "bigay-kaya", iiwan siya at mag-aasawa sa ibang babae*, saka pinasasaksihan sa mga kaharap. Pagcatapos nito ay kumukuha ng isang pingang kanin, lumalapit ang isang matandang babae at hinahawakan ang mga kamay ng mga nag-iisang dib-dib, na idinuduop muna sa tapat ng puso saka pinapagkakamay at kung magkayo'y tinatagnan ang pingan ng kanin at isinasabog sa lahat, saka sumisigaw ng malakas ang matandang babae na tinutugon naman ng gayon din ng mga kaharap at sa ganito'y mag-asawa na ang lalaki't babae.

Ang timawa cun mag-aasawa sa capwa timawa ay di na nagdidiwan ng ganito, cundi pinaglalapit lamang, pinapagsasalo ng panginoon sa isang lumbó, saka sumisigaw ang matandang babae at mag-asawa na.

At ang mga alipin (sagigilir, marahil), palibhasa'y nangamamanginoon ay di na nagdidiwan ng ano pa man, cundi sucat na lamang sa pagcaasunduan ay mag-asawa na.

Sa Bisaya naman at gayon din sa ibang lalawigan ng catagalugan ay may ibang ugali. Mula sa pagcabata ay ipinakikipagkasundo ng magulang ang canyang anac, at sa ganito'y ipinagpapauna ang calahati ng *bigay-kaya* ó *bugey* na ipagcacaloob na ang tawag sa Bisaya ay *kalabgayan*. Datapwa't cung ang sino man sa magulang ng lalaki ó babae ay magkulang tungcol sa usapan ay pinarurusahan ng ayon sa utos at gayon din cung sacaling umayaw ang sino man sa mga bata, dahil sa pagsapantahang ang magulan ang nag-udyoc ó humicayat. Ngunit cung ang magulang ay patay na, ay nagsasaulian lamang ng ipinagpauna at di na naguusapin.

Inuugali rin ang sa paglilingcod ó sa panilbihan na sa Bisaya'y tinatawag na *pangagar*, na ang lalaki ay naglilingcod sa magulang ng babae hangang sa gayong panahon, at ang cadahilanan ng ganitong paglilingcod ay upang mataroc ang ugali't asal ng lalaki cung macacasundo, na siyang dating caugalian ng mga Hebreo ó mga taga Israel: caya't si Jacob ay naglingcod muna sa canyang biyanang cay Laban bago naging-asawa si Rakel.

Pagdating ng tadhanang panahon ó matapos cayang maibigay ang caganapang *bigay kaya* na pinageasunduan, na ang tawag nito sa Bisaya ay *ligay* ó *dahik*, ay ipinagdidiwan ang pagca-casal ó pag-aasawa sa ipinaghahanda pa't pinag-

gugugulan ng lalaki, ayon sa canyang caya't calagayan.

Datapua't bucod sa *bigay-kaya* ó *bugey*, na cabuoan ng *kalabgayan* at ng *ligay* ó *dahik*, ay tungculin ng lalaki na magcaloob nitong mga sumusunod, na lahat ay pawang may canicanyang tawag ó pangalan: ang caloob na ibinibigay sa pagpanhic sa bahay ng biyanan ay pinanganganlang *pasaka*; ang ipinagcacaloob ng lalaki upang maca upong casiping ng cacaisahing-dib-dib ay *patupar*; ang ipinagcacaloob sa biyanang babae dahil sa mga puyat na dinanas at sa gatas na naipasuso sa panahon ng pag-aalaga, ay *himaraw* ó *himuraw* at sa tagalog ay *panghimuyat* (galing sa salitang pagpupuyat) at di uma-no'y ang karaniwang ipinagkakaloob ay halagang walong piso; ang ipinagkakaloob sa bumilang ng *kalabgayan* ó ipinagpauna ng *bigay-kaya* ay *binarian* at ito'y binibilang sa tugtog ng kampanang ginagamit at di tinitigilan ang tugtog hangang di matapos ang pagkakasal; ang ipinagkakaloob sa lumakad ng pag-aasawa ay *himukaw*; kung bao ang babae, ay pinagkakalooban din ang kapatid ng kinabauhan at pinanganganlan *himalo* ang kaloob na ito; ang ipinagkakaloob sa mga alipin ng biyanan ay *pankol*; ang ipinagkakaloob sa natigatig sa bagay bagay ng pag-aasawa ay *pahinankol*; ang ipinagkakaloob upang maisama ang babae sa bahay ng lalaki ay *padara* ó *patabuk*

kip sa kanyang aliping kay Bala, dahil sa siya'y hindi mag-kaanak.

Tungkol sa mga anak, ay ang anak lamang sa asawa ang kinikilalang anak sa kautusan at ang sa *sandil* ó babae ay hindi.

Kung nagkakaalit ang mag-asawa ay naghihiwalay, at ang humahatol sa mga ganitong sigalot ay ang mga kamag-anakan nila't ang mga matatanda at ito, ani Rizal, ay lalong mabuti kay sa kautusan ng mga inglés at ng mga frances tungkol sa paghihiwalay ng mag-asawa, sapagka't sa mga ganitong sigalot ng mga kabahay ay makapupong mabuting humatol ang mga kamag-anaka't matatanda kay sa sino mang pantas at hukom, magpakadunong dunong man. Basahin ang Kaugalian Pinanununtunan sa kapaslaḡan at Sigalutan.



Ikalabing apat na Pangkat.

**Dating Kaugalian Tungkol sa
Paghihingalô, Paglilibing at
Pagluluksâ.**

Ang dating ugali ng mga Tagarito tungkol sa bagay na itó, ay hindi lubhang kaibá kay sa dating ugali ng iba't ibang lahi at lupain.

PAGHIHINGALÔ:

Kun ang sino man ay may-sakít at naghihingalo ay nagdáraos ng kanilang kaugalian, na ang gumaganap ay ang *katolona* ó *katalona* ó *baylana*. Ang *katolona* ay siyang pinaka *paré* ó pinaka *pastor* na tagapangasiwa sa anomang pagdirivan na kinaugaliang gawin. At ang *katolona*, kung dumádalo sa ganitong pagdirivan, ay nagpu-putong sa ulo ng inikid na bulaclác, nagsusuót ng canyang mga hiyás, nagdadala ng canyang mga gamit na casangcapang lalagyán ng alác at canin at sa harap ng isang baboy na buháy at nang mga pagcaing nahahayin ay sumasayaw na dumadalangin sa *anito* ó *diwata* na kanilang pinapan-ginoon, at pagkatapos ay hinuhulaan kung ang may-sakít ay mamamatay ó hindi. Habang gina-

yarihan ay pinapabanguhan (1) bukod pa sa sinusuob at ginagamot (2) ng mga gamot na di makapagpapabulok na pinakatatangî ang katás ng aloe. Ginagamit din ang katás ng ikmo na ibinubuhos sa bibig anopa't mapasok hangang sa tiyan, at sa ganito, ng makaraan ang malaong panahon ay maraming bangkay ang násumpungang di pa bulok ó tunaw.

Matapos mapanangisan at malapatan ng gamot na laban sa pagkatunaw ay isinisilid sa kabaong, datapwa't bago isilid ay ginagayakan at nilalagyan ng mga putól-putól na gintô sa bibig at sa mga mata (3). Ang kabaong naman ay buong kahoy na may takip na lapat: anopa't di masisimuyan ng hangin ang loob, at ang tabas at anyô ay parang munting bangka.

Pagkatapos ng lahat na ito ay inililibing at sa paglilibing ay walang ano mang paghahatiran ó kung sakali ma'y ang mga kasambahay lamang

(1) Ang pagsuob at pagpapabango sa bangkay ay lubhang matandang kaugalian at hindi lamang ang mga dating Romano at Griego ang nag-ugali nito, kun di pati ng Hebreo na gaya ng ating nababasa sa paglilibing kay haring Asa.

(2) Itong paggamot sa bangkay upang manatili at huag mabulok ay inugali rin ng maraming lupain at lalo na sa Ejipto, dahil sa kapaniwalaang ang kaluluwa'y nagbabalik uli at ani Simon Henry Gage, ay sinaysay ni Diodoro ang kapanaligang ito noong taong 484 bago nagkatawang tao ang Panginoong Jesucristo.

(3) Anang iba ay dahil sa kapaniwalaan na kung mayaman ó may maraming baon ay sasalubunging mabuti saan man dumating; at sa ibang lupain ay inugali rin ito upang maibili, di umano, nang pagkain at kung sakaling magdadagat ay maibayad sa sasakyán at sa ganito ay ating nababasa ang pagtawa ni Luciano sa kanyang mga kalupain noong una, tungkol sa bangka at bayad ni Caronte na gaya rin ng ginawa nina Hircano at Herodes sa libingan ni David.

ang nagsisisama; n̄uni't ani Colin, ay may m̄ga tagapanaghoy na nagsisipanangis.

PAGLILIBING:

Tungkol dito sa paglilibing ay iba ang sa m̄ga taga Bisaya at iba ang sa m̄ga taga Hulo at Mindanaw.

Ang m̄ga Tagalog ay naglilibing n̄g kanilang bangkay sa kanikanyang sariling bahay, na iniingatang malaon sa m̄ga kaban ang m̄ga buto (1) at iginagalang ang m̄ga bungo (2) na parang buhay at kaharap.

Ang m̄ga kabaong na ito ay inilalagay sa talong dako, ayon sa ibig at pasya n̄g namatay: sa itaas n̄g bahay na kasama n̄g m̄ga hiyas (3) ó sa ibaba kaya sa lapag ó kun dili ay sa silong na inilalagay sa hukay na di tabon at nababakuran, saka sinisipingan n̄g isang baul na punô

(1) Ang pag-iingat n̄g m̄ga buto ó abo kaya na pinakaalala ay ugali n̄g maraming bayan at sa akala ko ay upang madala nila saan mang lupain ó bayan sila malipat, gaya na n̄ga n̄g ibinilin ni Jose sa kanyang m̄ga kapatid na kung tamu hinila ang lupaing sa kanila'y ipinangaco n̄g Dios ay huag iwan ang kanyang m̄ga buto sa lupain n̄g Egipto.

(2) Ani Rizal ay makapupong magaling na igalang ang m̄ga bungo't buto n̄g kanilang m̄ga magulang at kanunuan na siya nilang pinagkakautangan n̄g buhay, bait at n̄g halos lahat, kay sa igalang ang buto't buhok (reliquia) n̄g m̄ga di umano'y santo na di man lamang nila nakilala ó nakaalayaw at marahil ay di makaalala sa kanila kailan man.

(3) Ito'y naayon sa ugali n̄g m̄ga dating taga Hebreo, Persa at India, at gayon din sa dakong kanluran n̄g Arabia noong panahon ni Job na ang yama't hiyas sa libingan ay marami pa kay sa na sa bahay nila.

n̄g m̄ga pinakamaiging damit n̄g namatay at tuloy hinahainan n̄g sarisaring pagkain sa oras oras. Ang m̄ga lalaki ay sinisipingan n̄g kanilang m̄ga kasakbatan at ang m̄ga babae ay n̄g kanilang kasangkapang pangawa.

Kung minsan ay inilalayo sa bahay at kung gayon ay nagsisiga sa silong at tuloy tinatanuran ang bahay dahil sa baka magbalik at kunin ang iba pang nangatitira, n̄guni't ani Delgado ay dahil sa nilalapitan n̄g asuwang ó n̄g ibang hayop at sinisira ang kabaong hangang sa umalingasaw at di tuloy maingatan.

Pagkatapos na mailibing ang bangkay ay nagdiriwang n̄g isang kasayahan sa ikatlong araw na ang tawag ani P. San Antonio, ay *tibaw* at sa bahay n̄g namatayan idinaraos (1) [Sa pag-

(1) Ang ugaling ito ay ugali rin n̄g iba't ibang lahi. na, magpiging ó mag anyaya pagkatapos n̄g paglilibing: at dito sa Pilipinas ay pinagtakhang malabis n̄g m̄ga taga Europa at hangang sa tinatawanan kung minsan; datapua't ani Rizal, ay matwid gawin ang kasayahan yaon, dahil sa kapaniwalaan dito noon una na ang namatáy ay giginhawa. At ngayon, ani Rizal, bagá man napawi na ang kapaniwalaang yaón at sinusunod pa rin ang dating ugali, ay wala n̄g iba pang kahulugan, kundi ang kaugalian na lamang n̄g m̄ga Tagarito na di maaring di aluki't handaan n̄g anoman ang m̄ga panauhin. At sapagka't maraming dumádaló na umaaliw at umaambag sa namatayan, ay sinasapantaha n̄g m̄ga taga Europa na isang piginan. Ang katunayan, anya, na hindi piginan ay hindi inaanyayahan ang wala sa bahay at ang nandoon naman ay hindi na pinipilit sa pagdulóg sa dulang na kung sa bagay ay ugali rito. Anya'y ang *pasiyam* samon n̄g *katapusan* ay isang pakikipagsiyam n̄g m̄ga kaibiga't kamag-anak sa kabahay n̄g namatay, at ang m̄ga ito, palibhasa't nanga sa bahay ay hinahandaan n̄g kahit ano na siyang ugali; n̄guni't hindi piging ó paganyaya, sapagka't ang m̄ga Tagarito ay hindi nagaanyaya n̄g *chaá* lamang sa anomang piginan. Ang *catapusan* na pinakahuling araw n̄g pagsisiyam, ay tila anyayahan na dahil sa higit na sa *chaá* at ang katunaya'y hapunan na nga; datapwa't ito'y sanhi n̄g ugali n̄g kalahatan dito na ang ano mang bagay ay niwawakasan n̄g mainam, at sa ganito'y lalong sumasaya dahil sa siyang huling araw, at sapagka't ang Tagarito ay walang ugaling magwalang kibo na di paghandaan ang m̄ga panauhin ay sinapantaha ito n̄g m̄ga taga ibang lupain na isang pistahan ó sayahan.

diriwan ng kasayahang ito ay naglalagay sa pintuan ng bahay ng isang pasóng tubig upang mapaghugasan, ng isang banig na may abo upang mabakas ang mga paa sa pagpasok; at sa dulang ay tinataanan ng pinakapangulong upuan ang namatay saka nagkakaina't naglalasingan na tuloy inaawit ang pamumuhay at kagalingan ng namatay, kung siya'y naging magaling na mangangaso ó mamamalakaya ó sa ibang bagay kaya.

Ang mga taga Bisaya naman ay karaniwang naglilibing sa mga yungib (1) ng mga bundok at ang tabi ng libingan ay hinahainan ng mga pagkain at sinisipingan ng kaban ng damit at kung lalaki ay sinisipingan ng mga kasakbatang ginagamit nila gaya ng sibat kalasag at ibp. tuloy pinababaunan ng mga kambing baboy usa at ibp. at kung sakaling naging matapang at mabuting mangdidigma, ay sinasamahan ng aliping may sakbat; kung sakaling magdaragat ang mga kasangkapan naman sa pagdaragat at sinasamahan kung minsan ng mga mangagaod at mga alipin (2) na

(1) Ang pag-iingat ng bangkay sa mga yungib at kung saan saan ay ugali ng mga taga Egipto, dahil sa kapaniwalaan nila na habang ang bangkay ay hindi natutunaw at habang kalakip ng *ba* (ó káluluwa) at ng *chu* (ó pag-iisip, ay boo ang pagkatao at hindi hinihiyalayan ng *ka* na espíritung nananahanán sa libingan at siyang sa tao ay "kumakalinga: nagpapanatili, nakapagpapalini, nakapagpapagaling at nakapagpapasaya" at di umano'y isang espíritung laging kasamasama ng tao, at sa ganito'y pinakaiingatan ang bangkay at ipinipili ng mga mapagtataguan.

(2) Ani Colin ay nakita niya ang paglilibing sa isang pangulo sa Bohol na sinamahan ng pitong pung alipin. Si P. Chirino ay may binangit din sa kanyang aklat na ganito.

kanyang makakatulong at ang tawag dito ng mga taga Bisaya ay *bálon* na sa Tagalog ay *baon*; at kung babae naman ay mga kagamitan ng babae ang isinisiping gaya ng mga panghabi kayo at ibp.

Nagsisipaglibing din naman sa mga batong burol (1) na malapit sa dagat at sa ibabaw ng isang malapad na bato sa Katbalogan ani Delgado ay nakita niya ang maraming kabaong at mga bu-ngo at buto. Ang mga gayong dako na pinaglilibingan ay lubhang pinagpipitaganan nila, dahil sa kapaniwalaang kung yao'y bangitin ó galawin ó lapastanganin ay may mangyayari sa kanila na ang kanilang tawag ay *balin* ito'y dili iba't maging bato, ó magkasakit ó matamaan ng kidlat ó iba pang kapahamakan kaya: kaya't sa mga dakong libingan nila ay naglalagay ng bantay ó tanod upang huag daanan ng ano mang sasakyan at sino man ay huag magsalita ng kahit ano sa gayo 't gayong panahon, dahil sa malaking kasalanan sa kanila ang lumabag sa gayong ugali.

Sa Hulo at Mindanaw naman ay iba: iniupo ang bangkay sa isang upuang maybutas pagkatapos ay nilalamnan ang katawan ng alkampor na isinisilid sa pamamag-itan ng isang panghihip na

(1) Ang paglalagay ng bangkay sa matataás na lugal ó dako at gayon din ang pagbibitin sa mga punong kahoy ay inugali ng ilang lahi noong una, at marahil, ay upang mainiingatang huwag malapa ng hayop.

bungbóng na hinihipan sa bibig at sa ganitong paraan ay napananatili ang bangkay at di natutunaw. Matapos ito ay inililibing ng paupo (1) sa yungib na kanilang ginagawa sa ilalim ng lupa, saka hinahainan sa harap ng isang bungbong na tubig, isang pingang ikmo at ng iba't ibang pagkain pa, at niwawakasan sa pagdaraos ng kanilang kaugaliang pagdiriwan, na ani Delgado, ay naaáyon sa pananalig kay Mahoma at kay Pitágoras.

PAGLULUKSÂ:

Tungkol naman sa pagluluksa, ani Chirino, ay nagdadamit ng itim ang mga tagalog at hindi kumacain ng carne't isda, kundi kaunting gulay lamang, at ang tawag sa ganitong pageuculasyón ay *sipa*; nguni't ani Delgado ay hindi kumacain ng canin, hangang sa di macabihag (ng kaaway marahil) at nagdadamit ng yantók na inikid na umaabot hangang sa bisig, at ang ipinagpapawing gutom lamang ay saging at kamote: ano pa't kung hindi makabihag ay nagluluwat ng hangang isang taón na nangangalirang at nangangayayat tuloy, at ang tawag, anya, sa kaugaliang ito ay *maglahi*.

Ang mga taga Bisaya kung nagluluksa ay nagdadamit ng puti, saka nag-aahit ng buhok sa ulo

(1) Itong ugaling maglibing ng paupo ay dating kaugalian sa Hilagang América at di umano'y naging kaugalian din sa Timog ng Bretania.

at gayon din sa kilay na pinakatanda ng kanilang pagdaramdam.

Pagka pangulo ang namatay ay tumatahimik ang bayan ng malaon ó ilang araw ayon sa kalagayan ng namatay, at sa boong panahong ito ay walang marinig na pukpukan ó kaingay man sa alin mang bahay. At ang mga tao sa pangpangin ay paglalagay ng pinagcacakilanlang tanda upang hugwa daanan ng anomang sasakyán na ang lumabág sa ugaling itó ay nagdaranas ng mabangis na parusa.

Ang namatay sa digma ay ipinagdirivan ng di kawasa sa kanilang mga panaghoy at sa kanilang paghahandog ng mga hayin na lubhang ipinagsasayá.

Ang namatay na pinagliluhan sa digma ó sa capayapaan ay ipinagluluksa ng malaon at hindi ipinag-aalis ng luksa hangang di maiganti. Ang paggantung itó ay ginaganap sa mga pumatay, sa mga kaaway at sa mga taga ibang bayang di kaibigan.

Ang luksa naman ng mga babae na pinanganganláng *moratales* ay gaya rin ng sa mga lalaki; nguni't hindi nga lamang nangbibihag ó pumapatay man upang makakain ng canin, kundi nagsisisakay sa isang balangay (bangka) na nilululan ng saganang pagkain, saka nagsasama ng anim na lalaki na isa ang namimiloto, isa ang sumasaguan at isa ang tumitikin at tatlo pang

matatapang na lalaki na may naipakita ng kagilasan. Ang mga ito'y napasa sa ibang bayang kasundo nila na habang namamangka ay inaawit ang kanilang mga katapangan, ang kanilang mga nabihag at napatay sa digma na itinutugma sa paggaod; at pagdating sa bayang pinaroroonan ay nakikipagsayaha't nakikipag-lasingan doon at kung gayon ay inaalís ang kanilang mga balabal na puti at ang kanilang mga suot na yantok sa bisig at ngalangala saka kumakain ng kanin at nagsusuot uli ng mga hiyas (1).



(1) Sa akala ko ay sa Bisaya inuugali ito dahil sa ang luksa ay puti at marahil ay ginaganap ito pagcatapos na maiganti ang namatay kung sa digma namatay. ó kung pinagliluhan

Ikalabing limang pangkat.

Dating Pagsamba't Pananampalataya ng mga Tagarito.

Kung paanong ang mga tagarito ay may dating sariling ayos ng pamamayan at pag-uugali ay may dati ring sariling religion ó ayos ng pagsamba't pananampalataya.

Ang pagsamba't pananampalatayang ito ng mga Tagarito ay iba't iba, dahil dito sa Luzón ay may kaibahan at gayon din sa Bisaya at Mindanaw.

Ang religion dito sa Luzón ay ang pananampalataya sa Diyos na Maykapal at Lumikha ng boong sangsinukob na pinanganganlang *Bathala* (1) ng mga Tagarito.

Itong Diyos *Bathala* na kadakidakilaan at nasa kaitaas-itaasan ay hindi ipinagtatayo ng simbahan ó inaalayan man ng ano mang hayin (2).

(1) Itong salitang *Bathala* anang maraming mairugin sa sarili natin wika ay hangō sa Sanscrito at nababasa sa isang aklát ng ating calupaing manunulat na si G. P. A. Paterno,— sa dahong ica 36.

(2) Ani Gat Rizal ay dahil sa inisip marahil ng mga Tagarito na ang Dios na Maykapal ng sangsinucob ay hindi nangangailangan ng gayong tahanan ó ng mga pang-libang at pangpalupag-loob, dahil sa Siya'y laging matuid at pantás at hindi naghabago dalá ng canyang pagka Dios.

Ang Diyos *Bathala* ring ito ay mayroong maraming Tagapangasiwa dito sa sandaigdigan na siyang nangangasiwa sa kanikanyang kinaroroonan. Ang mga ito'y ang mga pinanganganalang *anito* ng mga Tagalog, na ang iba'y nangangansiwa sa mga magsasaka, ang iba'y sa mga magdadagat, ang iba'y sa mga mandidigma, ang iba'y sa mga sakit at ibp. Bawa't isa nito'y may kanikanyang pangalan at siyang inga pinakapintakasi: kaya't ang kanilang pasintabi't hayin ay naririnig at namamalas sa lahat ng dako dahil sa ganang kanila'y may pintakasi saa't saan man, mapa sa kati't mapa sa tubig at mapa sa lupa't mapa sa langit: ano pa't ang sangsinukob sa ganang kanila ay puno ng mga pintakasing anito nila.

Ang karamihan nitong mga anitong pinipintakasi nila ay ang kanilang mga kanunuan (1) na lubha pa yaong nangabantog sa pamumuhay, dahil sa ayon sa kapanaligan ng mga dating Tagarito ay napapa sa kaluwalhatian ang mga namamatay.

Bukod dito sa mga anitong nabangit ay kumikilala sa mga larawang sarisaring hugis na kanilang iniingatan sa kanikanilang bahay at gayon din sa mga yungib na pawang inaalayan ng mga pabango, pagkain at mga bunga ng kahoy, Ang mga hugis di umamo ng mga ito ay nangakahalo-

(1) Ang mga taga Grecia noóng una ay may ganito ring pananampalataya, na ang sandaigdigan ay puno ng canilang mga bantog na canuntan an pinipintacasi nila.

kipkip ang mga kamay at nangapapatong ang mga siko sa mga tuhod (na marahil ay nangakapaninkayad), kung minsa'y nangadidiit ang mga bisig sa mga tagiliran at nangapapatong ang mga kamay sa puson ó kún dili ay nangahabalokipkip sa dibdib at ang kamay ay nangapapatong sa mga dakong itaas ng suso.

Nangagsisisamba rin sa araw at buwan (1) gaya ng mga taga Asiria at sa mga hayop at ibon na gaya ng mga taga Egipto. Dito sa katagalugan di umano'y may sinasambang ibong (2) kulay bughaw ó asul na pinanganganlang *Bathala* na dili iba'tsiyang pangalan ng Dios: at sa uwak na

(1) Aní Gat Rizal ay napagkikilalang may matuid sila sa pagsamba sa araw at buwan, sapagca't anyay ganó't di sasambahin ang sagisag ng cagandahan, ng cawalang hangan at ng pagca Dios? — Ganong bagay sa isipan ng tao ang hihigit pa sa araw tungcol sa casacdalan, sa cabutihan, sa cagandahan at hangang sa máihuhuwad sa cawalang hangan? — Sa buwan naman, anyay napagmamalas na siyang asawa ng araw, siyang diosa at dahil dito'y sinasamba rin.

(2) Tungeol dito sa ibong bughaw ó asul na binangit ng ibang manunulat na anila'y pinanganganlang Bathala ay walang ganitong culay ani Rizal, cundi dilaw na siyang *cilyawan* ó *cilyawan*, Marahil ani Rizal ay walang ganitong ibon, at cung nagcaroon man ay maitutulad sa agila ni Jupiter, sa pavo real ni Juno, sa calapati ni Venus, ó sa iba't ibang ibong kinatha lamang sa isip, ano pa't mga sagisag na caraniwang paghalintularan sa pagca Dios, ng tanang tao. Ang ibon anyang ito na bughaw ó dilaw ay siya marahil na sagisag ng Dios na Maycapal na pinanganganlang Bathala, at sapagca't hinahamac ng mga misionero ang ano mang di nila sinasampalatayanan ay pinagcamalan nila marahil. Anyay miagagaya rin naman sa mga Ita't Igulot na cung iya namang macakita ng sagisag ng Espiritu Santo ó ng sa mga Evangelista na calapati, toro, leon, atb, ay hindi malayong ibalita naman ng mga ito sa canilang mga caibigan na ang mga cristiano ay sumasamba sa calapati, sa toro, sa leon at ibp. ayon sa pagcasagisag sa mga yaon.

pinanganganlang *May-Lupa* ó may-ari n̄ lupa ang ibig sabihin.

Ang mababangis na hayop na gaya n̄ buwaya at iba pa ay kanilang iginagalang at pinagbibigyang pasintabi; n̄guni't di umano'y dahil sa takot at hindi sa anomang bagay, at sa ganito'y binabangit nila sa kanilang panunumpa na *lamunin ako n̄ buwaya kundi ko tuparin*: kaya't n̄ kumilala sa Pamahalaan n̄ España ang m̄ga pangulo dito sa Maynila at Tundó noong taong 1571 ay nangagsisumpa di umanong: *sila'y ilubog n̄ araw, at sila'y lamunin n̄ m̄ga buwaya at sila'y kapootan n̄ m̄ga babae kung magculang sa canilang pangaco*. At upang mabigyan pa n̄ lubhang katibayan ang sumpang itó ay ginaganap ang tinatawag nilang *pasambahan*, na di umano'y nagsahaharap n̄ larawan n̄ isang malaking hayop, saca sinasabing *lamunin sila noon cunghindi sila tumupad n̄ canilang pangaco*, at pagcatapos ay nagsisindi n̄ isang candila at saca muling nagsabi na *cungh paanong nauupós ang candilang yaon ay gayon din mauupós ang magculang*. At sa ganito'y napagkikilala na ang canilang pagpapasintabi sa m̄ga hayop ay maipaparis sa pagpasintabi n̄ taga Egipto sa m̄ga pinasisintabian naman nilang m̄ga hayop din.

Ang ibang malalaking bató sa m̄ga pangpangin ay pinagbibigyan pasintabi na pinag-aalayan n̄ hayin cahi't ano, isang putol na tikin

halimbawa. At dito sa ilog Pasig di umano'y may isang malaking bató na ayon sa naging capani-walaan ay buwayang naging bató (marahil sa Guadalupe) at pinagbigyán din pasintabi n̄ m̄ga namamangka na inaalayan n̄ cahit ano hangang sa sinira di umano n̄ m̄ga pareng agustino ang batong yaon at tinirikan n̄ isang cruz, saca pinagtayuan n̄ isang munting simbahan na ipinatungcol cay San Nicolás.

Ang matatandang punong cahoy at lalong lalo na ang puno n̄ baliti (1) ay pinagbibigyan ding pasintabi at sa ganang canila'y casalanan na pag-isipang putulin, at ang dahil di umano'y siyang sinisilungan at tinatahanan n̄ m̄ga anito (2).

Ang m̄ga anitong nabangit (palibhasa'y hindi casinsacdal ni Bathala) ay siyang m̄ga ipinagtatayo n̄ m̄ga moog at bahay dalanginan na canilang pinanganganlang *ulan̄go*. Ang m̄ga *ulan̄go* namang ito ay moog na cawayan ó torre na ani P. Chirino ay marikit ang pagcayari ayon sa caniyang nakita sa Taytay. Ang m̄ga *ulan̄gong* itó marahil ay hindi dalanginang bayan, sapagca't di umano'y sa canicianiyang bahay ginaganap ang pagdalangin, ó

(1) Ang puno n̄ baliti rito ay siyang maitutulad sa m̄ga puno n̄ *lotus* sa Egipto, China at India na pinacagagalang at pinakabigyang pasintabi n̄ m̄ga tagaroon. At sa Indi di umano'y ang calatsé ang tinatawag na *lotus*.

(2) N̄ m̄ga anito marahil na pinipintacasi nila sa parang at bukid.

cung sacali man ay bihirang gamitin ng bayan.

Ang pagdalangin ay idinaraos cailan ma't may cailangan silang hilingin sa anitong kinauuculang tawagan, na cung halimbawang sa pagcacasakit upang gumaling ó sa pagnanais na ang nasa hirap doon sa cabilang buhay ay mahango at sa ibang bagay pa, ay ang mga nuno nilang anito ang tinatawagan na di umano'y siyang mga nacacalam ng calagayan ng nangandoon sa cabilang buhay at mga sumasagót sa dalangin ng *catalona*, cung halimbawa namang sa pag-paroon sa digma ó sa pagsalakay at upang magwagi ay ang hubog ng langit ang dinadalanginan na canilang pinanganganlang *bataubaw*; at gayon din (sa) iba't ibang dahilan. Bucod dito ay nagsisidalangin sa Diyos *Inaginid* at sa Diyos *Amakawdak* na dini-diyos din nila at marahil ay sa ibang bagay naman.

Ang nangangasiwa sa pagdalangin ó lumalagay na pinacaparê ó pinacapastor ay ang *catalona* na siyang nanunungeol nito. Ang paraan naman ng pangangasiwa ó pagdalangin nitó ay mababasa sa *Dating caugalian tungcol sa Paghihingaló* at gayon din sa «*Dating caugalian tungcol sa Pag-aasawa*» pati ng canilang bihis at sangcap. Ang mga katolonang, ito, ani Colin, ay mayayaman ano pá't nananamit ng maririkit at naghihiyas ng mainam (1).

(1) Aní Rizal, ay napagkikitang saa't saan man ay pinakikinabangan ang ganitong tungculin ó hanap-buhay.

Ang mga *catalonang* ito, bucod sa siyang-tatawagin sa ganganitong cailangan ay siya ring mga sangunian sa bala na (na siyang mga tinatawag natin marahil na *manghuhula* at gaya rin marahil ng mga astrologo (1) sa Egipto na siya namang dating sangunian ng mga tagaroon.

Tungeol sa capanampalatayahán bagay sa mga caluluwa ay nangananampalatayang may cabilang búhay na kinaroroonan ng mga caluluwa ng nama-matay, at naniniwala ring may ibang calagayan ang mabubuti at may iba aúg masasama. Ang sa mabubuti ay pinanganganlang *caluwalhatian* at sa tula ay *ulugan* at ang sa masasama naman ay *solad* ó *casamaan*.

Doón sa *kaluwalhatian*, anila'y nacararating din ang nangamamatay sa tabac, ang nangásasacmal ng buwaya at ang nangamamatay sa lintic ó kidlat at di umano'y sa pamamagitan ng bahag hari uma-akya't na canilang pinanganganlang balangaw.

Sa pangngilin naman, ay hindi nangnginlin ang mga tagarito, maliban cung ang mga lalaki ay pasa digma, at cung ganito'y hindi' gumagawa ang mga babae sa boong panahóng yaon. At gayon din sa pitong araw ng pagbapasimula ng pamumunga ng mga ~~halamana~~'t bukiran, na hindi bumabayo ng palay, at hindi rin nagpapapasoc ng taga ibang bayan, dahil sa di umano'y panahon ng pagdalanin sa Diyos upang pagcalooban sila ng mabuting áni.

(1) Ang mga nanghuhula ng magyayari ayon sa calagaya't anyo ng mga tala.

Ikalabing anim na Pangcat.

Dating Pagsamba't Pananampalataya ng mga tagarito.

(Karugtong)

Sa pagsamba't pananampalataya sa Kalusunan, ay mapagmamalas ng sino mang mapag-aral ng iba't ibang relihiyon na yao'y isang relihiyong haluan: at sapagka't hindi ang nasa ko rito'y saysayin ang dahil ng pagkakahalohalong yaon, kundi isaysay lamang ang dating ugali ng mga Tagarito, ay ipatutuloy ko ang tungkol naman sa Kabisayaan.

Ang mga taga Bisaya ay sumasampalataya rin ng halos kagaya ng mga taga Luzon, dahil sa ganang kanila, ang Bathala nating lumalang ng sangsinukob at lumikha ng tanang kinapal ay kinikilala rin at kanilang pinamamagatang *Laon*.

Kumikilala rin sila sa mga anito na sa kanila'y *diwata*, na dili iba,t ang kanila ring mga kanunuan na pinipintakasi't tinatawagan sa bala ng kailanganin, maging sa kati't maging sa tubig, maging sa buhay na ito at maging sa kabila.

Nangagsisikilala ring gaya ng mga taga Lu-

zón sa m̄ga larawang sarisaring hugis na ini-ingatan sa bahay ó kung dili'y sa m̄ga yungib na pawang inaalayan n̄g pabangó, pagkain at ibp. at dito sa kabisayaan (sa Sebú) nakakita n̄g ganito si Pigafeta (1) na anya'y nakadipa ang m̄ga kamay, nakabuka ang m̄ga hita at patiwarik ang bali n̄g m̄ga paa; ang mukha'y malaki at may apat na malaking n̄gipin na kasiuglaki n̄g m̄ga pangil n̄g baboy-damó at nangakukulayan (2).

Sa araw at bwan naman ay nangagsi sisambarin na gaya sa Kalusunan. At dito nakita ni Pigafeta ang paraan n̄g pagsamba sa araw, na anya'y ganito:

Sa pagpapasimula ay tumutugtog n̄g ilang malaking tambol; saka naglalapit n̄g tatlong pinggan; na dalawa'y punô n̄g kanin at ng mais na nabibilot sa dahon, at may kasamang isdâ; at ang isa'y may káyong kambray at dalawang hidahon n̄g palma Naglalatatag n̄g kayong kambray sa lupa, sakâ lumalapit ang dalawang matandang babae na bawa't isa'y may tangang pakakak. Pagkatapos ay nilalakaran ang kayong kambray

(1) Si Pigafeta ay isang italiano na kasama ni Magallanes sa pagkasumpong n̄g m̄ga kapuluang itó, at siyang tanging sumulat n̄g aklat na tungkol sa kanilang paglalakbay at pinamagatan niyang «Ang unang paglalakbay sa Palibot n̄g Sangdaigdigan».

(2) Anang iba'y hindi lahat ay gayon: kaya't sa ganang kay Rísal ay ang masasamang dinídiyos lamang marahil ang may malaking n̄giping kasinglaki n̄g pangil.

na nalalatag at tuloy gumagalang sa araw, sakâ isinusuot nila ang nabangit na kayo. Kung magkagayon ay nagtatali ng panyô sa ulo ang isa sa mga ito na sa noo ibinubuhol na pinag sisikapan na magkaroon ng dalawang parang su- ngay at pagkatangan ng ibang panyô ay sumasayaw at humihihip ng kanyang pakakak at tu- loy gumagalang sa araw.

Ang isa namang matandang babae ay duma- dampot ng isang dahon ng palma at gaya rin noong isa na sumasayaw at humihihip ng kanyang pa- kakak. Ang pagsayaw nilang ito at paghihip ng kanilang mga pakakak ay nagluluat ng ka- onti at kanilang sinasabayan ng pagsasaysay sa araw ng sarisaring bagay.

Matapos ito ay binibitiwan ng isang matan- dang babae ang panyô niyang hawak sa kamay at dinadampot ang dahon ng palma at kapwa humihihip ng kanilang pakakak at sumasayaw na matagal sa palibot ng isang baboy na naka- handa sa lupa. Ang isa'y nagsasaysay na mara- han sa araw at ang isa naman ang sumasagot. Ano pa't ang araw at ang dalawang matandang ba- bae ay parang may pagkakaunawaan.

Pagkatapos naman nito ay dumadampot ang isang matandang babae ng isang copang alak at iniaalay sa kanyang kasayawan, at ha- bang ipinagpapatuloy nila ang kanilang pagsa- saysay sa araw ay makaapat ó makalimang

iniuukmang iinumín ang alak at habang ginagawa yaon ay iniwiwisik ang alak sa pusò ng baboy. Kung matapos yaon ay binibitawan ang kopa, at humahawak ng isang sibat na kanyang pinaiikot sa kamay, habang sumasayaw at nagsasaysay at makaapat ó makalimang iniuukma ang sibat sa pusò ng baboy; nguni't sa katapustapusan ay isinisibat at pinapaglalagpaslagpasa. nan, saka binubunot ulí na tinatakpan ang sugat at tuloy binabalot ng damo.

Habang idinadaos ang ganitong pagdidiwan ay may apoy na laging nakahanda at hinihipan na pinapatay ng matandang babaeng sumisibat sa baboy! samantalang ang isa naman ay isinasawsaw ang kanyang pakakak sa dugo ng baboy at saka itinatanda yaon sa noo ng kanyang asawa at ng kanyang mga kasama at pagkatapos ay sa lahat ng kaharap.

Kung magawa nang lahat yaon ay hinuhubad ng dalawang matandang babaeng yaon ang kanilang balabal at dinudulog ang nasa dalawang pingan na walang inaanyayahan, liban sa mga babae lamang. Pagkatapos ay inaalisan ng balahibo ang baboy sa apoy at ang mga matandang babae lamang ang nakagagawa noon at ang hayop na ito, di umano, ay di maaaring kainin kailan man, malibang patayin ng ganitong paraan.

Sa malaking bató sa mga pangpangin ay

nanġagpapasintabi rin: kaya't sa isang dako ng pangpang sa Potal na nasa pulo ng Panáy ay nanġag-aalay ang mġa magdadagat ng pingan at bala na.

Gayon din sa malalaking punong cahoy na ipinacatatangi rin ang baliti na di pinuputol at bageus na ipinacacagalang.

Sa pagdalanġin at sa anó mang pagsanguni ay sa *katalona* rin ipinangangasiwa na canilang pinamamagatang *babaylana*.

Nangagsisipaniwala ring may cabilang buhay; ano pa't ang canilang pagsamba't pananampalataya ay masasabi nating caisa ng mġa taga Luzón palibhasa'y caisang lahi; nguni't bucod dito sa nanġabangit ay may iba pa silang capanaligan na siya nilang ikináiba at dili iba't ang sumusunod.

Ang iba'y eumikilala sa Dios *Lisbusawen* na di umano'y siyang kinacasama ng mġa caluluwa sa isang bundoc na nasa pulô ng Burney (marahil ay Borneo).

Ang iba naman ay kumikilala sa Dios *Sidapaw* na siyang nagtatangkilik ng isang malaking punong kahoy sa isang mataas na bundok sa Panay na pinanganganlan *Mayas* ó *Maya* at ang Diyós na nabangit di umano'y siyang sumúsucat doon ng buhay ng tanang kinapal na pagdating sa kanyang sukat ay namamatay na walang pagsala.

Nanganiwala rin na may Diyós sa Inferno (1) na canilang pinanganganlang *Suinuran* at *Suigaguran* at sa camay ng mga ito nahuhulog di umano ang balang caluluwang. mamatay, at may Diyós namang tagapagdalá ng caluluwa sa Inferno na pinamamagatang Diyós *Magwayan*, na pagdating sa balangay, nito ay sinasalubong ng Diyós *Sumpoy* na siya namang tagapaghatid sa Diyós Suiburanin (casama marahil ng Diyós Suinuran at Diyós Suigaguran) na anila'y siyang tagasacop sa lahat ag caluluwa, maging mabuti't maging masama; ngunit ang mga ito, di umano'y hindi pinababayaan ng Diyós Pandake (na nasa bundoc din ng Maya); kundi agad tinutubos dito sa pamamagitan ng mga *maganito* na siyang pangalan ng mga haying inihahandog sa canya roon sa bundoc: at sa ganito, ani P. Delgado, ay hindi lubhang pinagsisicapan ang pagpapacabuti, cundi ang pagpapacasipag upang magcaroon ng pangtubos.

(1) Ang pagkilala sa Dios sa Inferno at sa ibp. ay naging kapanaligan din sa ibang nangabansag na lupain, gaya sa Persia, India at atb, ngunit marahil ay napulot ito ng mga taga Bisayang Malayo sa Religiong «Hindpismo» ng mga taga India at siyang inugali hangang dito; sapagka't sa Religiong «Hinduismo», bukod sa kumikilala sa tatlong pinakapangulong Diyós ay kumikilala pa sa Diyós *Yana* na di umanoy, Diyos sa kainfiernohan: sa Diyos *Ganesa* ó *Ganabati* Diyós ng karunungan at tagahawi ng kapansanan; sa Diyós *Kartikaya* na pinakapintakasi sa digma; sa araw na pinamamagatan nilang *Sunya*; sa buwan na tinatawag nilang *Soma* at sa ibp.

Ikalabing pitong Pangkat.

Dating pagsamba't Pananampalataya ng mga tagarito.

(*Karugtóng*)

Tungkol sa kapanampalatayahán ng hulíng bahagi ng Pilipinas, na Hulo't Magindanaw, ay dapat malaman muna na ang mga tagaroon ay hindi namayang sabay-sabay. kundi ang iba, na gaya ng mga Manobo, Tiruray atb, ay siyang nang-auna; at ang iba naman ay masasapantahang mga kasabay ó kasunod ng mga taga Malayang nagsipamayan sa Borneo noong dacong 1400.

Mapaniniwalaang ang pananampalataya ng mga unang namayan doon na gaya ng mga Manobo, Tiruray, atb. ay ang sa Kamalayahan na halos kagaya ng dating pananampalataya ng mga taga Bisaya't tagarito sa Luzón: at sa catunayan ng dumating dito ang mga taga España ay may, nasumpungan pang isang daco sa Mindanaw na pinanganganlang «De Flechas» ó «Ng mga Pana» na balang magdaan doon ay nag-hagagis ng pana na pinatutusoc sa bato at siyang iniaalay nilang pinakahayin upan sila'y

macaraang tiwasay, bagay itong dili iba't isa sa mga bahagi ng capanaligan ng mga taga Bisaya't tagarito sa Luzón, na alayan ng cahi't ano ang mga pooc na kinalibingan ng canilang mga nuno. At cun bagama't nalimutan na ang canilang pinaca-Bathala ó pinaca-Laon ay sanhi marahil sa pagcahicayat nila sa Mahometismo ó pananalig kay Mahoma na taglay ng mga huling nacapamayan nila.

Ang mga sumunod ó huling namayan sa Hulo't Mindanaw ay ang nangabangit nang casabay ó casunod ng mga namayan sa Borneo noong dacong 1400. Ng panahong yaon ay halos laganap na ang pananalig cay Mahoma sa Kamalayaan at sa ganito ay mapaniniwalaan at siyang pagcaacala rin ng mga bagong manunulat na ang mga yao'y nagsisipanalig na cay Mahoma ng magsidating sa Hulo't Mindanaw, at siya tuloy na mga humicayat sa mga dinatnan. At ayon sa sali't saling sabi ng mga moro sa Mindanaw, aní Dr. Barrows ay si Kabunsuan ang humicayat sa canila. Ito'y isang taga Johore na anac ng isang lalaking taga Arabia at ng isang babaeng taga Malaya. Si Kabunsuan ay dumating sa Mindanaw na may maraming casamang nananalig sa canya at di umano'y siyang pinangaligan ng mga dato sa Mindanaw. Sinasapantaha na si Kabunsuan ay isa sa mga inapo ni Mahoma sa dugo ng cayang amang taga Arabia: caya't hanga

ngayon daw ay ipinagmamalaki ni Alí at ng mga dato sa Mindanaw na sa canilang mga ugat ay umaagos pa ang dugo ng profetang si Mahoma, na siyang nagtanyag ng bagong religion mahometismo na pinacareligion ng mga taga Hulo't Mindanaw.

Ang mahometismo ng mga taga Hulo't taga Mindanaw ay di lubhang cagaya ng tunay na mahometismo, dahil sa ang lahat ng religion habang tumatagal ay nababago ng nababago. Gayon, ma'y inaasahan co, na sapagca't siyang religion ng isang bahagi ng Pilipinas ay matatanong din mga magiliwin sa ganitong casaysayan, «cung ano ang religion mahometismo» At ang religion mahometismo ay ang itinanyag ni Mahoma na anyay wala liban sa isang Dios at siya ang profeta ng Dios at tuloy sinulat niya ang *koran* na ngayon'y siyang pinaka Biblia ng mga moro.

Si Mahoma ay anak ng isang babaeng judia na naging kristiana at ng lalaking si Abdallah na palasamba sa mga diosdiosan (idolo). Siya'y ipinanganak sa Arabia noong taong 569 at mula sa kanyang pagkabata ay naulila sa kanyang mga magulang: anopa't ang nagpalaki sa kanya ay si Abu Taleb na kanyang mabuting amain. Nang siya'y magkadalawang pu't limang taon ay naglingkod kay Kadiah na isang matandang baong taga Mekka na mayama't marangal, at sa kagan-

dahahang asal ni Mahoma ay naibigan hangang sa naging asawa. Sa ganito'y siya'y nageasalapi at naluwagan sa canyang pamumuhay; anopa't nagecapanahon ng pag-aaral at pagmamasid ng mga bagaybagay sa sandaigdigan.

Noon naman, ang Arabia na kanyang kina-mulatan, ay siyang maitutulad, ngayon sa Estados Unidos ng Amérika, sa Inglaterra ng Europa at sa Hapón ng Asia, dahil sa kalayaan ng isa't isa na makapamili ng kanikanyang religion, at sa gayon ay nabuksan ang kanyang isip ng di ano lamang.

Sa kabanalan ni Mahoma ay napasasa yungib ng Hera (na malapit sa Mekka) taon taon at doon nagpapahingang isang buwan (kung buwan ng Kamadan), at minsan di umano'y napakita sa kanya roon sa yungib ang angel Gabriel at pinagsaysayan siya ng mga lihim na bagay, na siya ang magiging profeta ng Dios at magpapaísa ng religion sa tanang kinapal na pangunguluhan ng Dios na di malirip. Saka isinakay siya, di umano sa isang kahimahimalang hayop na ang pangala'y *borak* at inihatid siya mula sa templo ng Mekka hangang sa Jerusalém. Mula rito ay isinama siya ng angel Gabriel na sumampa sa pitong langit at doo'y nakipagbatian siya sa mga profeta, sa mga patriarka at sa mga angel. Sa dako pa roon ng ikapitong langit ay si Mahoma lamang ang pinatuloy, anopa't nalagpasan niya

ang tabing ng pagkakaisa at sa harap ng luklukan doon ay nalugmok siya hangang sa siya'y tinapik ng kamay ng Dios. Pagkatapos ay bumaba siya sa Jerusalém, sumakay uli sa *borak* at nagbalik sa Mekka.

Mula noo'y itinanyag ni Mahoma ang mga salita ng angel Gabriel na ngayo'y nasusulat sa *Koran* na dasala't banal na kasulatan ng mga mahometano.

At sa kagandahan di umano ng pagmumukha ni Mahoma, sampu ng kanyang ugali't asal at ng kanyang matamis na pananalita na kalakip ng kanyang kabanalan, ay pinanaligan siya, at hangan sa paniniwalaang siya'y sinalubong ng mga punong kahoy, binati ng mga bato sampu ng tubig, nagpakain sa nagugutom, nagpagaling ng may sakit at bumuhay ng patay. Bukod dito'y ipinalagay ng marami na ang mga salita ni Mahoma ay puspos na mga aral ng katotohanan at ang kanyang mga gawa ay pawang uliran ng kabanalan (baga man ang dating kaugalian ng panahong yaon na gaya ng pag-aasawa ng higit sa isa at ibp. ay di niya pinawi); dahil sa ganang kanya'y wala ng gaya ng manalangin, magkukulasyon at maglimos, sapagka't sa kanya ang pagdalan ng ay nakapapatnubay hangang sa kalahatian ng daang patungo sa Diyos, ang pagkukulasyon ay nakapaghahatid hangan sa pintuan ng tahanan ng Diyos at ang paglilimos ay siyang

ikinatatanggap ng Diyos sa tao. Anopa't sa gayong pananalig sa kanya ay hindi laman ang kanyang asawa't mga kaibigan ang sumampalataya kundi pati na ng kanyang mga kababaya't kalupain, hangang sa siya'y nahalal na pinakapangulo sa kanyang bayang tinubuan. At sapagka't ang kanyang munakala'y papag-isahin ng religi6n ang tanang kinapal ayon sa sinaysay sa kanya ng angel, ay hindi lamang ang kanyang lupain ang sinakop at hinikayat niya't ng mga humalili sa kanya, kundi pati ng mga lupaín sa Europa, Africa, sa Asia at hangang dito sa Kasilanganan na dili iba't siyang pinanánaligan pa hanga ngayon ng ating mga kalupaing taga Mindanaw at taga Hul6.

Ang religin6g ito ay umabot hangang sa Mindoro at dito sa Maynila at kung hindi dumating rito ang mga kastila ay naging moro marahil ang lahat ng tagarito.



Ikalabingwalong Pangkat.

Isipan ng Ibang Tagarito Tungcol sa Pasimulâ ng Sangkinapal

Isa sa mga kapaniwalaan ng ibang mga Tagarito na binangit ng mga mananalaysay ay itong sumusunod:

Ang mga tao sa baybayin na pinanganganlang Iligayanes ay naniniwala na ang lupa't langit ay hindi nagkaroon ng pasimula: at di umano'y nagkaroon ng dalawang Diyos na ang isa'y nagnalang *Kaptan* at ang isa'y *Magwayan*: at ang hangin sa lupa at ang hangin sa dagat ay nagkaisa at sumuka ng isang kawayan. Ang kawayan namang ito ay itinanim ng Dios Kaptan, at ng lumaki ay pumutok na nilabasan ng dalawang kawayan na kapwa naging tao, na ang isa'y lalaki at ang isa'y babae. Ang lalaki ay pinanganlang *Sikalak* at ang babae'y *Sikabay*. Ang lalaki ay nagpahayag sa babayi na sila'y magisang dibdib, dahil sa walang iba dito sa sangdaigdigan; nguni't hindi pumayag ang babae; sapagka't sila'y magkapatid na galing sa isang kawayan. Sa katapustapusan ay nagkasundo na sila'y yumaon at kanilang isanguni ang gayon sa Lindol ng lupa, at sinagot naman sila na kai

langang sila'y mag-isang dibdib upang magkaroon ng mga tao sa sanlibutan, at sila'y nag-isang dibdib at nagka-anak. Ang unang naging anak nila ay lalaki at pinanganlang *Libo*, at ang sumunod ay babae, at pinanganlang *Saman*, at ang dalawang magkapatid na ito ay nagkaanak ng isang babae na pinanganlang naman nilang *Lupluban*. Itong si Lupluban ay nakipag-isang dibdib sa isang anak na lalaki ng mga unang tao (marahil ni Sikalak at ni Sikabay) na ang pangala'y *Pandaguan* at ang mga ito ay nagkaanak ng isang lalaki na kanilang pinanganlang *Arion*. Si Pandaguan, di umano'y siyang unang kumatha ng mga palaisdaan upang mamalakaya sa dagat, at ang unang nahuli ay isang pating, at pagkahuli ay iniahon sa kati, na sa akala niya'y hindi mamamatay; ngunit pagkaahon sa kati ay namatay; ng makita niyang patay ay pinasimulang alayan ng mga hayin at tuloy tinangisan, at tumawag sa mga Diyos, na may namamatay, dahil sa wala pang namamatay noon; pagkarinig naman di umano ng Diyos Kaptan ay sinugo ang mga langaw upang signan kung sino ang patay, at sapagka't hindi makapangahas lumapit ang mga langaw ay bukbok ang sinugo na siyang nakakita na ang patay ay pating, at sa ganito'y nagalit ang Diyos Kaptan dahil sa pagkakaalay ng mga hayin sa isang isda. Sa pagkagalit na ito ng Diyos Kaptan ay

naghagis silang dalawa ng Diyós Magwayan ng isang lintik at siyang pumatay kay Pandaguan, at namalaging tatlong pung araw sa Infierno; nguni't pagkaraan ng tatlong pung araw ay kinahabagan siya ng nangabangit na mga Diyós at muli siyang binuhay dito sa sanglibutan. Noong samantalang siya'y patay ay napababae ang kanyan asawang si Lupluban sa isang nagngangalang Marakoyan, at di umano'y ito ang pinagmulan ng pangangalunya. Nang si Pandaguan ay mabuhay na maguli at umuwi sa kanyang bahay ay hindi inabutan ang kanyang asawa, sa pagka't inanyayahan ng kanyang kaagulo na magsalo sila sa isang baboy na kanyang ninakaw (di umano'y ito ang unang pagnanakaw na nagawa dito sa ibabaw ng lupa), at sa ganito'y sinugo niya ang kanyang anak upang kaonin, at si Lupluban ay tumangi at di sumama, na ang sabi ay hindi na magbabalik ang mga patay dito sa ibabaw ng lupa, at sa galit ni Pandaguan ay nagbalik uli sa Infierno.

Ang pag-aakala naman ng mga Tingian ay itong sumusunod:

Iba ang paniwala ng mga taga bundok at anila'y noong una ay walâ kundi dagat at langit, at sapagka't may isang lawin na walang kádapuan, ay hinalughog ang langit at dagat dahil dito ay dinigma ng dagat ang langit na nagpakalaki-laki hangang sa itaas: ng makita ng langit ang gani-

tong asal ng dagat ay pinasibulan ng isda ang dagat at pagkatapos upang makaganting lubos sa pagkapangahas laban sa kanya ay inihagis sa dagat, di umano, ang lahat ng kapuluang ito upang ang dagat ay mapasuko at upang ang kanyang mga tubig ay maglagos sa iba't ibang dako at huwag mangyaring makapagmalaki at ito ay pinagkapasimulan ng *mabario* na ang ibig sabihin ay paghihigantihan sa pag-apí kaya di umano'y naging kaugalian dito ang panghihiganti hangang sa di masiyahan. Saka ayon sa kasaysayan tungkol sa kawayan, ay ang lawin di umano ang siyang tumuka, kaya pumutok at lumabas yaong naging lalaki at babae na nabangit na (si Sikalak at si Sikahay). Di umano pa ng manganak si Kariuhi (isa sa mga anak ng mga unang tao marahil) ay nanganak ng lubhang marami, at nangyari isang araw na pumasok sa bahay ang ama na lubhang galit at sapagka't binalaan ang mga anak ay nangagsitakas sa takot anopa't ang iba'y nangagsipasok sa mga silid na totoong kublí, ang iba'y sa mga silid sa dakong labas ang iba'y nagsikubli sa mga dinding, ang iba'y nangagsipanaog na tumungo sa dakong dagat. Anila'y yaong nangagsipasok sa silid na totoong kublí ay siyang pinangalingan ng mga maginoo, yaong mga napa sa silid sa dakong labas ay siyang pinangalingan ng mga timawa, yaong nangagkubli sa dapugan ay siyang pi-



nangalingan ng mga maitim at ang nangagsi-
tungo sa dakong dagat ay ang mga maputi
na hindi na nangabalitaan nila, kundi ng duma-
ting na lamang dito ang mga taga Europa.



Mga Aklat na Sinulat ng Sumu- lat Nito.

Tulong sa Pag-aaral ng wikang Inglés.
English-Tagalog Dictionari with Phrases.
Dating Pilipinas.

Mga Aklat na Tinagalog ng Su- mulat Nito.

Bagong Tipan.
Matandang Tipan.
Melodramang “Noli Me Tangere” ni G. Gross sa
novela ni Gat Jose Rizal.



Tuntunin.

Tudling

Paunawa 4

Unang Pangkat.

Mga Unang Tao Rito 6

Ikalawang Pangkat.

Lahing Pilipino 12

Ikatlong Pangkat.

Pagkaparito at Pinangalingan ng Lahing
Pilipino 16

Ikapat na Pangkat.

Dating Pamamayan ng mga Tagarito . . . 21

Icalimang Pangkat.

Dating Pananamit at Kalinisan sa Katawan
ng mga Tagarito 28

Icanim na Pangcat.

| | |
|---|----|
| Dating Kaugaliang Pinanununtunan sa mga Kapaslangan at Sigalutan | 34 |
|---|----|

Icapitong Pangcat.

| | |
|----------------|----|
| Wika | 55 |
|----------------|----|

Icawalong Pangcat.

| | |
|------------------------------|----|
| Pagbasa't Pagsulat | 60 |
|------------------------------|----|

Icasiam na Pangcat.

| | |
|------------------------|----|
| Asal at Gawì | 67 |
|------------------------|----|

Icasampung Pangcat.

| | |
|--------------------------|----|
| Pagkakalakalan | 70 |
|--------------------------|----|

Icalabing isang Pangcat.

| | |
|---------------------------|----|
| Sasakyang-Tubig | 75 |
|---------------------------|----|

Icalabing dalawang Pangcat.

| | |
|-----------------|----|
| Almás | 78 |
|-----------------|----|

Icalabing tatlong Pangcat.

| | |
|---|----|
| Dating Ugali Tunkol sa Pag-aasawa . . . | 80 |
|---|----|

